



**UNIVERZITET
U NOVOM PAZARU**

**GODIŠNJI IZVJEŠTAJ O RADU UNIVERZITETA
za akademsku 2024/25. godinu**

Novi Pazar, decembar 2025. godine

SADRŽAJ

UVOD.....	6
ORGANIZACIONA STRUKTURA I IZVJEŠTAJ O REDOVNIM AKTIVNOSTIMA.....	7
IZVJEŠTAJ O LJUDSKIM RESURSIMA	11
IZVJEŠTAJ O AKREDITACIJI	11
IZVJEŠTAJ O BROJU STUDENATA	13
Broj studenata na osnovnim akademskim studijama	13
Broj studenata na master akademskim studijama	13
Broj studenata na doktorskim akademskim studijama	13
IZVJEŠTAJ O NASTAVI	14
Kvalitet studijskog programa	14
Studijski programi osnovnih akademskih studija Univerziteta u Novom Pazaru	14
Kvalitet nastavnog procesa	17
IZVJEŠTAJ O NAUČNOM RADU.....	19
Časopis Univerzitetska misao	19
Časopis Ekonomski izazovi	20
Časopis Pravne teme.....	21
Naučni i umjetničko istraživački rad.....	22
Univerzitet u Novom Pazaru na SPLET Tech konferenciji 2024	22
Delegacija Univerziteta u Novom Pazaru prisustvovala svečanom otvaranju programa Fonda za nauku u MTS dvorani: DIJASPORA 2024 i IDEJA 2024.....	22
Univerzitet u Novom Pazaru potpisao ugovor o saradnji sa Blum institutom iz Sarajeva	23
2. međunarodna konferencija o ekološkoj pedagogiji i ekološkoj psihologiji na Univerzitetu u Novom Pazaru ..	23
Otvorena galerija na Univerzitetu u Novom Pazaru	24
Uspješno održana obuka za pisanje naučnih projekata na Univerzitetu u Novom Pazaru	24
Ekspertiza u digitalnom pravu: Učešće prof. dr. Aleksandra B. Ivanovića na međunarodnoj konferenciji u Kolašinu	24
Međunarodna naučna konferencija SMEPP 2025: Vještačka inteligencija kao pokretač razvoja	25
Globalna naučna saradnja: Univerzitet u Novom Pazaru na konferenciji u Sarajevu	26
Ljetnja akademija umjetnosti: Naučni centar „Vakuf znanja“ kao epicentar kulture i nauke	26
Uspješno realizovana Obuka za pisanje naučnih radova na Univerzitetu u Novom Pazaru	27
Predstavnici Univerziteta u Novom Pazaru na otvaranju novih programa Fonda za nauku	27
Studentice UNINP-a uspješno završile Erasmus+ razmjenu u Istanbulu.....	27

Gostujuće profesorice sa Istanbul Aydin Univerziteta u poseti Univerzitetu u Novom Pazaru kroz Erasmus program razmene	27
--	----

IZVJEŠTAJ O MEĐUNARODNOJ SARADNJI..... 29

<i>Realizacija međunarodne mobilnosti</i>	<i>29</i>
---	-----------

<i>Institucionalno umrežavanje i promocija</i>	<i>30</i>
--	-----------

<i>Upravljanje projektima i EU finansiranje</i>	<i>31</i>
---	-----------

<i>Potpisan sporazum o saradnji sa Islamskim univerzitetom Premalag iz Indonezije.....</i>	<i>32</i>
--	-----------

Finansijski menadžer Univerziteta u Novom Pazaru, mr ekon. Haris Zogić, učestvovao je na Međunarodnoj sedmici nastave (International Teaching Week) na Rumunsko-američkom univerzitetu u Bukureštu.	32
--	----

Delegacija iz Novog Pazara na međunarodnoj konferenciji u Abu Dhabiju o suživotu i zajedničkim vrijednostima.....	32
---	----

Erasmus+ posjeta profesora sa International Vision University Univerzitetu u Novom Pazaru	33
---	----

Delegacija UNP-a na Rektorskoj konferenciji Alpe Jadran u Đeru	33
--	----

Novo poglavlje za međunarodnu saradnju: Univerzitet u posjeti Rumunsko-američkom univerzitetu	33
---	----

IZVJEŠTAJ O AKTIVNOSTIMA DEPARTMANA..... 35

<i>Departman za ekonomske i računarske nauke</i>	<i>35</i>
--	-----------

Na Univerzitetu u Novom Pazaru održano gostujuće predavanje na temu “Zaštita web aplikacija”	35
--	----

Univerzitet u Novom Pazaru i Infostud postigli su dogovor koji otvara vrata vašem profesionalnom razvoju i olakšava put ka zaposlenju.	36
---	----

UniHub – Prvi inovacioni inkubator na Univerzitetu u Novom Pazaru!.....	36
---	----

Uspješno je održano gostujuće predavanje Edina Mehića na Univerzitetu u Novom Pazaru	36
--	----

Na Univerzitetu u Novom Pazaru održano je treće po redu takmičenje Biznis izazov 2025, koje je i ove godine okupilo studente iz više gradova i fakulteta širom Srbije	37
---	----

Univerzitet u Novom Pazaru bogatiji je za revolucionarnu tehnologiju – stigle su VR naočale MetaQuest 128 GB	37
--	----

Na Univerzitetu u Novom Pazaru svečano potpisan sporazum o saradnji između Univerziteta i kompanije ART Computers	38
---	----

Na Univerzitetu u Novom Pazaru održano inspirativno gostujuće predavanje na temu „Finansiranje mladih preduzetnika i novih projekata kroz Fond za razvoj Republike Srbije“	38
--	----

Na Univerzitetu u Novom Pazaru održan je drugi po redu Hackathon	38
--	----

Na Univerzitetu u Novom Pazaru uspješno održan događaj posvećen vještačkoj inteligenciji	39
--	----

Posjeta studenata Univerziteta u Novom Pazaru kompaniji Peštan	39
--	----

Održana promocija knjige „Zašto narodi propadaju“ na Univerzitetu u Novom Pazaru	39
--	----

Održana radionica “Pokreni svoju karijeru” – put ka profesionalnom uspjehu	40
--	----

Delegacija Univerziteta u Novom Pazaru na Forumu naprednih tehnologija “Techmomentum”	40
---	----

Svečana dodjela certifikata za obuke iz Java programiranja i SQL baza podataka u saradnji sa Oracle-om.....	41
---	----

Univerzitet u Novom Pazaru na Route2Launch događaju	41
---	----

Dodela sertifikata za polaznike Osnovnog kursa računovodstva	42
--	----

Održana promocija knjige „Uvod u islamsko osiguranje – Tekaful“ na Univerzitetu u Novom Pazaru	42
<i>Departman za pravne nauke</i>	42
Posjeta Forenzičkom centru Crne Gore u Danilovgradu.....	43
Okrugli sto: “Društvo jednakih šansi – put ka socijalnoj pravdi”	43
Studenti Departmana za pravne nauke posjetili Kazneno-popravni zavod u Novom Pazaru.....	43
Promocija studentske emisije „Vještačka inteligencija vs Pravo: Granice prava u digitalnom dobu“	44
<i>Departman za umjetnost i filološke nauke</i>	44
Na Univerzitetu u Novom Pazaru održano je gostujuće predavanje na temu “Oboji svoj život”, koje je održao češki umjetnik Ondřej Míšek.	45
Na Univerzitetu u Novom Pazaru organizovan kviz opšteg znanja	46
U Univerzitetskoj galeriji otvorena izložba “Balkanska geometrija” umjetnika Miloša Milosavljevića	46
Univerzitet u Novom Pazaru u saradnji sa Departmanom za umjetnost i filološke nauke i Centar za aktivnu memorizaciju i vizualizaciju, organizovali stručno edukativno studijsko putovanje u Sjevernu Italiju.....	46
Svečano veče posvećeno inovaciji i tradiciji na Univerzitetu u Novom Pazaru	47
U Univerzitetskoj galeriji, kroz promociju zbirke Metodičke iskre 1, na poseban način obilježen Međunarodni dan maternjeg jezika	47
Otvorena izložba radova sa Međunarodnih likovnih susreta HRID 2024 u Univerzitetskoj galeriji	47
Studenti studijskog programa Njemački jezik i književnost su imali priliku da posjete Goethe-Institut u Beogradu	48
Univerzitet u Novom Pazaru i Centar za aktivnu memorizaciju i vizualizaciju uspješno organizovali radionicu na temu „Clinical teaching“	48
Održan šesti Univerzitetski Majski Umjetnički Salon (UMUS) u Novom Pazaru.....	48
Radionica grafičkih tehnika – spoj umjetnosti, učenja i kreativnosti.....	49
Održana izložba radova nastalih na Ljetnjoj akademiji umjetnosti u Novom Pazaru	49
Modna čarolija pod otvorenim nebom	49
<i>Departman za pedagoške i psihološke nauke</i>	50
Departman za pedagoške i psihološke nauke organizovao edukativne radionice i donirao ručno izrađene igračke PU “Reuda”	50
Univerzitet u Novom Pazaru obilježio je Svjetski dan osoba sa Down sindromom programom “Inkluzija bez granica: vidljivi, voljeni, važni – zajedno za bolji svijet”	50
Stručna praksa studenata psihologije – spoj teorije i stvarnog iskustva	51
IZVJEŠTAJ O INVESTICIJAMA	52
IZVJEŠTAJ O NORMATIVNIM AKTIMA	53
IZVJEŠTAJ O DEŠAVANJIMA NA UNIVERZITETU	54
Svečanom dodjelom indeksa 23. generaciji studenata zvanično obilježen početak nove akademske godine.	54
Predstavnici Univerziteta u Novom Pazaru na Generalnom BH sajmu privrede – ZEPS 2024	54
Svečano otvoren amfiteatar na Univerzitetu u Novom Pazaru i dodijeljene stipendije studentima	54

Izaslanik rektora, generalni menadžer prof. dr. Enver Međedović, prisustvovao je svečanoj akademiji Univerziteta u Tuzli koji je ove godine proslavio 48 godina postojanja	55
Univerzitet u Novom Pazaru i startup kompanija Priče i Prijatelji potpisali su memorandum o saradnji, otvarajući vrata inovativnim edukativnim pristupima	55
Zaštitnik građana posjetio Univerzitet u Novom Pazaru.....	56
Jednodnevni izlet i zimske igre na Kopaoniku za studente Univerziteta u Novom Pazaru.....	56
Delegacija Univerziteta u Novom Pazaru posjetila direktora WTC SARAJEVO s ciljem jačanja regionalne saradnje i poslovnog povezivanja.	56
Univerzitet u Novom Pazaru u saradnji sa Studentskim parlamentom organizirao je promociju studentskog časopisa Epistema u prostorijama Univerzitetske galerije u utorak, 25. februara 2025. godine.	57
Univerzitet u Novom Pazaru organizovao iftar za studente	57
Univerzitet u Novom Pazaru, u saradnji sa Studentskim parlamentom, obilježio je Svjetski dan poezije kroz program Stihovi Ramazana	57
Studentski parlament organizirao posjetu 36. Međunarodnom sarajevskom sajmu knjiga	58
Univerzitet u Novom Pazaru imao izuzetnu čast da ugosti njegovu ekselenciju Ahmeda Almenhalija, ambasadora Ujedinjenih Arapskih Emirata u Republici Srbiji.	58
Studenti u volonterskoj ekološko-humanitarnoj akciji “Čepom do osmeha“.....	58
“Zajedno možemo promijeniti svijet” – autorska predstava studenata Univerziteta u Novom Pazaru	58
Donacija knjiga za uličnu biblioteku u Novom Pazaru	59
Svečano obilježen Dan Univerziteta u Novom Pazaru.....	59
Održan tradicionalni Festival knjige na trgu Gazi Isa-bega Ishakovića	59
Univerzitet u Novom Pazaru svečanom dodjelom diploma obilježio 23 godine postojanja	60
Apsolventsko veče studenata Univerziteta u Novom Pazaru	60
Posjeta predstavnika Veterinarskog fakulteta iz Sarajeva Univerzitetu u Novom Pazaru	60
Prijemni ispit na Univerzitetu u Novom Pazaru – Prvi korak ka akademskoj budućnosti	61
Predstavnici Konrad Adenauer fondacije posjetili Univerzitet u Novom Pazaru.	61
Delegacija Univerziteta u Novom Pazaru na obilježavanju godišnjice Univerziteta FINRA u Tuzli	61
Stipendije Fondacije Konrad Adenauer za akademsku 2025/2026. godinu	62
Studentska edukativna ekskurzija u Istanbulu.....	62
Univerzitet u Novom Pazaru na međunarodnoj akademiji islamskih finansija – Durham Islamic Finance Summer School 2025 u Velikoj Britaniji	62
Održan prijemni ispit za septembarski upisni rok na Univerzitetu u Novom Pazaru za akademsku 2025/2026. godinu	63

UVOD

Pred vama se nalazi izvještaj o radu Univerziteta u Novom Pazaru za akademsku 2024/2025. godinu – period koji će u historiji naše institucije ostati zabilježen kao prekretnica. U ovu godinu zakoračili smo sa novim vizuelnim identitetom, ali i sa obnovljenom ambicijom da učvrstimo poziciju prvog i vodećeg univerziteta u regionu, koji spremno odgovara na izazove digitalnog doba i globalnog tržišta znanja.

Naš napredak u protekloj godini nije samo deklarativan; on je precizno mjerljiv i duboko utemeljen u realnim postignućima. Dobijanje institucionalne akreditacije od strane Nacionalnog akreditacionog tijela i nove dozvole za rad Ministarstva prosvjete i akreditacija Ministarstva nauke i tehnološkog razvoja predstavljaju krunu našeg insistiranja na akademskom legitimitetu i kvalitetu. Uporedo sa pravnim osnaživanjem, ostvarili smo i istorijski infrastrukturni poduhvat – završetkom procesa uknjižbe zgrade, naš fond je uvećan za impresivnih 6.512 m² korisnog prostora, čime smo stvorili materijalnu osnovu za dalji razvoj i rast broja studenata koji bilježimo na svim departmanima.

Poseban ponos ističemo u domenu naučne produkcije. Naši časopisi – "Ekonomski izazovi" (M51), "Univerzitetska misao" (M52/M53) i "Pravne teme" (M53) – danas su referentne tačke u naučnim krugovima šireg regiona. Organizacijom prestižnih skupova poput konferencije SMEPP 2025, učešćem na globalnim forumima u Sarajevu i Beogradu, te strateškim partnerstvom sa Blum institutom u oblasti vještačke inteligencije, jasno smo definisali svoj put: mi smo univerzitet koji inovira, povezuje i vodi.

Međutim, naša misija nadilazi puko obrazovanje. Kroz Naučni centar "Vakuf znanja – akademika Muamera Zukorlića" i novoosnovanu Univerzitetsku galeriju, postali smo nezaobilazno žarište kulture i umjetnosti. Spajajući tradiciju i modernost, nastojimo izgraditi generacije koje će biti ne samo stručnjaci u svojim oblastima, već i društveno odgovorni pojedinci svjesni važnosti etike i održivog razvoja.

Ovaj izvještaj je svjedočanstvo o kolektivnom trudu naših profesora, saradnika i studenata. On je dokaz da Univerzitet u Novom Pazaru nije samo mjesto sticanja diplome, već dinamičan ekosistem u kojem se znanje pretvara u snagu, a vizija u stvarnost.

S ponosom i optimizmom gledamo u budućnost, čvrsto vjerujući da najbolje tek dolazi.

Rektor Univerziteta u Novom Pazaru
Prof. dr. Suad Bećirović

ORGANIZACIONA STRUKTURA I IZVJEŠTAJ O REDOVNIM AKTIVNOSTIMA

Univerzitet u Novom Pazaru uspješno je realizovao sve planirane aktivnosti u skladu sa godišnjim planom rada. Svi organi univerziteta su imali svoje redovne sjednice i donijeli su odluke u cilju unaprjeđenja poslovanja Univerziteta u Novom Pazaru.

Savjet je organ upravljanja Univerziteta. Savjet ima 9 članova od kojih 3 imenuje Univerzitet, 5 imenuje osnivač od kojih najmanje jedan mora biti u radnom odnosu na Univerzitetu iz reda nastavnika i 1 kojeg bira Studentski parlament Univerziteta.

Trenutni sastav Savjeta je sljedeći:

- Doc. dr. Rešad Plojović, predstavnik osnivača, predsjednik;
- Prof. dr. Enver Omerović, predstavnik osnivača, član;
- Prof. dr. Hajrudin Balić, predstavnik osnivača, član;
- Prof. dr. Enver Gicić, predstavnik osnivača, član;
- Prof. dr. Azra Ćatović, predstavnik osnivača, član;
- Prof. dr. Muamer Nicević, predstavnik univerziteta, zamjenik predsjednika;
- Prof. dr. Mehmed Meta, predstavnik univerziteta, član;
- Prof. dr. Enis Ujkanović, predstavnik univerziteta, član;
- Amina Kurbardović, predstavnik studentskog parlamenta, član.

U školskoj 2024/25. godini savjet je održao ukupno tri sjednice.

Ulazak u novu akademsku godinu obilježen je izborom rektora prof. dr. Suada Bećirovića i formiranjem rukovodećeg tima koji odražava kontinuitet u radu i posvećenost daljem razvoju institucije.

Akademski i administrativni sektori su kadrovski ojačani imenovanjem prof. dr. Muzafera Saračevića za prorektora za nastavu, te prof. dr. Samira Ljajića i prof. dr. Ergina Hakića za koordinate polja nauke, odnosno međunarodne saradnje. Upravljačku strukturu čine i prof. dr. Enver Međedović na mjestu generalnog menadžera, te doc. dr. Jasmina Nikšić na poziciji generalnog sekretara, dok rukovođenje Finansijskom službom nastavlja mast. ekon. Haris Zogić.

Operativno rukovođenje nastavnim i naučnim procesima na nivou departmana povjereno je imenovanim rukovodiocima: prof. dr. Samiru Ljajiću (pedagoške i psihološke nauke), prof. dr. Erginu Hakiću (pravne nauke), doc. dr. Dženisu Bajramoviću (ekonomske i računarske nauke) i doc. Asmiru Husoviću (umjetnost i filološke nauke).

Senat Univerziteta predstavlja najviši stručni organ institucije, odgovoran za očuvanje akademskog integriteta, usvajanje studijskih programa i donošenje ključnih odluka od značaja za nastavu i nauku. Kao tijelo koje okuplja najistaknutije predstavnike Univerziteta, Senat osigurava visok standard obrazovnog procesa i naučnog istraživanja.

U skladu sa Statutom, trenutni sastav Senata, koji predvodi akademsku viziju Univerziteta, čine:

- Prof. dr. Suad Bećirović, rektor i predsjednik Senata;
- Prof. dr. Muzafer Saračević, prorektor za nastavu,
- Prof. dr. Enver Međedović, generalni menadžer,
- Doc. dr. Jasmina Nikšić, generalni sekretar,
- Doc. dr. Dženis Bajramović, rukovodilac departmana za ekonomske i računarske nauke,
- Prof. dr. Ergin Hakić, rukovodilac departmana za pravne nauke,
- Doc. Asmir Husović, rukovodilac departmana za umjetnost i filološke nauke,

- Prof. dr. Samir Ljajić, rukovodilac departmana za pedagoške i psihološke nauke,
- Prof. dr. Ibro Skenderović, predstavnik savjeta zaposlenika,
- Doc. dr. Irma Mašović-Muratović, predstavnik savjeta zaposlenika,
- Nedžla Zukorlić, predstavnik studentskog parlamenta,
- Džejlana Dupljak, predstavnik studentskog parlamenta.

U školskoj 2024/25. godini ukupno je održano jedanaest sjednica Senata univerziteta.

U cilju promptnog rješavanja tekućih pitanja i strateškog usmjeravanja rada institucije, rektor formira Rectorski kolegij kao ključno savjetodavno i operativno tijelo. Kolegij čine rektor i prorektori, dok u njegovom radu, u cilju osiguravanja administrativne i organizacione podrške, učestvuju generalni sekretar i generalni menadžer.

Tokom akademske 2024/25. godine, Rectorski kolegij je pokazao visok stepen agilnosti održavši četiri sjednice, čime je osigurano brzo i efikasno donošenje odluka, te pravovremena reakcija na sve izazove u radu Univerziteta.

Savjet zaposlenika predstavlja ključni mehanizam putem kojeg kolektiv Univerziteta aktivno učestvuje u procesima odlučivanja, ostvaruje svoja prava i štiti profesionalne interese. Njegova struktura je pažljivo koncipirana kako bi se osigurala inkluzivnost i adekvatna zastupljenost svih segmenata radne zajednice.

Savjet se sastoji od sedam članova, čiji sastav odražava akademsku i administrativnu strukturu institucije. Trenutni članovi savjeta zaposlenika su:

- Prof. dr. Ibro Skenderović, predsjednik;
- Prof. dr. Azra Čatović, zamjenik predsjednika;
- Prof. dr. Aleksandar B. Ivanović, član;
- Prof. dr. Semrija Smailović, član;
- Doc. dr. Irma Mašović-Muratović, član;
- Mast. ekon. Elma Kujović, član;
- Dipl. ekon. Rejhan Fetahović, član.

Kao strateški most između akademske zajednice i realnog sektora, formiran je Savjet za inovacije i razvoj. Ovaj savjetodavni organ ima ključnu ulogu u unaprijeđenju saradnje s privredom, pružanju preporuka za inoviranje nastavnih planova i programa u skladu sa potrebama tržišta, te praćenju procesa komercijalizacije naučnoistraživačkih rezultata ostvarenih na Univerzitetu.


Savjet broji pet članova koje imenuje Senat Univerziteta, biranih na osnovu njihove stručnosti i iskustva u inovacijama. Trenutni sastav Savjeta čine:

- Sead Hasanović, predsjednik;
- Ervin Ajdarpašić, zamjenik predsjednika;
- Dino Selimović, član;
- Šemsudin Plojović, član;
- Enver Biševac, član.

Odlukom osnivača Univerziteta, Mešihata Islamske zajednice u Srbiji, konstituisan je Zadužbinski (vakufski) savjet. S obzirom na specifičan pravni status imovine Univerziteta koja ima karakter vakufa, primarni zadatak ovog Savjeta je nadzor nad namjenskim raspolaganjem imovinom, uz striktno poštovanje i očuvanje naučno-obrazovne autonomije institucije.

U sastav Zadužbinskog savjeta, kao organa koji osigurava stabilnost i integritet Univerziteta, imenovani su: muftija Abdurrahman Kujević, Berin ef. Ljajić, Vahjudin ef. Čosovića, Usame Zukorlić i Amir Zukorlić.

Na konstitutivnoj sjednici, za predsjednika Savjeta izabran je muftija Abdurrahman Kujević, dok će funkciju zamjenika predsjednika obavljati Berin ef. Ljajić. Ovim imenovanjima zaokružen je institucionalni okvir koji garantuje zaštitu vakufskih dobara i njihovu funkciju u službi visokog obrazovanja.



IZVJEŠTAJ O LJUDSKIM RESURSIMA

Ukupno nastavnika	94
Docenti	29
Vanredni profesori	22
Redovni profesori	10
Nastavnici sa nepunim radnim vremenom	3
Gostujući profesori	30
Ukupno saradnika	48
Asistenti	24
Saradnici	15
Saradnici van radnog odnosa	9
Administrativno osoblje	20

Ukupni broj angažovanih nastavnika i saradnika je odgovarajući shodno broju akreditovanih studijskih programa na osnovnim, master i doktorskim studijama. Izbori u zvanja se redovno vrše prema proceduri koja je definisana Zakonom o visokom obrazovanju, Odlukama Nacionalnog savjeta za visoko obrazovanje i normativnim aktima Univerziteta u Novom Pazaru.

IZVJEŠTAJ O AKREDITACIJI

Trenutno su reakreditovani su sljedeći studijski programi:

- OAS Vaspitač djece predškolskog uzrasta, rješenje broj: 612-00-00071/9/2021-06 od 31.03.2021. godine,
- OAS Psihologija, rješenje broj: 612-00-00025/10/2018-03 od 27.03.2020. godine,
- OAS Pravo, rješenje broj: 612-00-00025/33/2018-03 od 22.12.2021. godine,
- OAS Poslovna informatika, rješenje broj: 612-00-00171/5/2021-03 od 13.12.2021. godine,
- OAS Poslovna ekonomija, rješenje broj: 612-00-00025/31/2018-03 od 20.12.2021. godine,
- OAS Nemački jezik i književnosti, rješenje broj: 612-00-00025/37/2018-03 od 27.12.2021. godine,
- OAS Modni dizajn, rješenje broj: 612-00-00173/5/2022-03 od 26.04.2022. godine,
- OAS Likovna umjetnost, rješenje broj: 612-00-00025/32/2018-03 od 11.03.2022. godine,
- OAS Informatika, rješenje broj: 612-00-00071/4/2019-06 od 17.04.2019. godine,
- OAS Grafički dizajn, rješenje broj: 612-00-00172/5/2022-03 od 26.04.2022. godine,
- OAS Engleski jezik i književnost, rješenje broj: 612-00-00186/9/2021-03 od 19.04.2022. godine.
- MAS Vaspitač djece predškolskog uzrasta, rješenje broj: 612-00-00071/10/2021-06 od 31.03.2021. godine,
- MAS Psihologija, rješenje broj: 612-00-00071/11/2021-06 od 31.03.2021. godine,
- MAS Pravo, rješenje broj: 612-00-00025/35/2018-03 od 22.12.2021. godine,
- MAS Poslovna ekonomija, rješenje broj: 612-00-00025/29/2018-03 od 20.12.2021. godine,

- MAS Likovna umjetnost, rješenje broj: 612-00-00575/5/2022-03 od 05.05.2022. godine,
- MAS Informatika, rješenje broj: 612-00-00018/5/2021-03 od 05.05.2022. godine,
- DUS Likovne umjetnosti, rješenje broj: 612-00-00107/5/2021-03 od 24.03.2022. godine,
- DAS Poslovna ekonomija, rješenje broj: 612-00-00105/9/2021-03 od 24.11.2021. godine,
- DAS Informatika, rješenje broj: 612-00-00106/9/2021-03 od 19.05.2022. godine,

Potvrda kvaliteta i održivosti Univerziteta u Novom Pazaru ozvaničena je sticanjem institucionalne akreditacije od strane Nacionalnog akreditacionog tijela (NAT). Odlukom br. 612-00-00195/9/2022-03 od 16.01.2024. godine, Univerzitet je akreditovan kao ustanova, čime je potvrđeno ispunjenje najviših standarda u visokom obrazovanju.

Kao logičan nastavak ovog procesa i rezultat temeljnih priprema, Ministarstvo prosvjete je 13.10.2025. godine izdalo novu dozvolu za rad (rješenje br. 612-00-01060/2025-06). Obnavljanje dozvole za rad predstavlja ključni administrativni i stručni trijumf, kojim se garantuje pravni kontinuitet i pruža puna sigurnost studentima i partnerima da Univerzitet nastavlja svoju misiju u punom kapacitetu i u skladu sa najnovijim zakonskim regulativama.

IZVJEŠTAJ O BROJU STUDENATA

Broj studenata na osnovnim akademskim studijama

Naziv studijskog programa	vrsta i stepen studija	1. God.	2. God.	3. God.	4. God.	Ukupno
Poslovna ekonomija	OAS	45	48	25	11	129
Poslovna informatika	OAS	25	21	7	1	54
Informatika	OAS	45	31	38	16	130
Engleski jezik i književnost	OAS	30	15	13	4	62
Njemački jezik i književnost	OAS	15	10	11	15	51
Srpski jezik i književnost	OAS	6	5	7	4	22
Bosanski jezik i bošnjačka književnost	OAS	9	5	5	0	19
Pravo	OAS	100	70	39	43	252
Vaspitač djece predškolskog uzrasta	OAS	50	38	31	24	143
Psihologija	OAS	47	39	36	24	146
Likovna umjetnost	OAS	2	4	2	2	10
Grafički dizajn	OAS	30	30	25	7	92
Modni dizajn	OAS	15	12	8	13	48
Ukupno		418	328	247	164	1158

Broj studenata na master akademskim studijama

Naziv studijskog programa	Vrsta i stepen studija	Upisani u tekuću školsku godinu
Pravo	MAS	9
Informatika	MAS	8
Psihologija	MAS	12
Vaspitač djece predškolskog uzrasta	MAS	25
Jezik, književnost i kultura	MAS	14
Likovna umetnost	MAS	1
Poslovna ekonomija	MAS	12
Ukupno		81

Broj studenata na doktorskim akademskim studijama

Naziv studijskog programa	Vrsta i stepen studija	Upisani u tekuću školsku godinu
Informatika	DAS	5
Likovna umetnost	DUS	4
Poslovna ekonomija	DAS	5
Pravo	DAS	2
Psihologija	DAS	2
Jezik i književnost	DAS	4
Ukupno		22

IZVJEŠTAJ O NASTAVI

Kvalitet studijskog programa

Akadska izvrsnost Univerziteta u Novom Pazaru temelji se na rigoroznim procedurama kontrole kvaliteta. Proces usvajanja i odobravanja studijskih programa strukturiran je kroz dva nivoa odlučivanja: Nastavno-naučno vijeće departmana, kao matično tijelo struke, te Senat Univerziteta, kao vrhovna instanca koja potvrđuje usklađenost sa strateškim ciljevima institucije.

U proteklom periodu, studijski programi na svim stepenima studija prošli su kroz sveobuhvatne reforme, sa posebnim fokusom na sljedeće aspekte:

Naučna utemeljenost i zakonska usklađenost: Programi su u potpunosti harmonizovani sa principima Bolonjske deklaracije i važećim nacionalnim standardima akreditacije. Svaki program precizno definiše ciljeve, ishode učenja, ECTS bodovnu vrijednost i metode provjere znanja, osiguravajući transparentnost i predvidljivost studiranja.

Međunarodna komparabilnost: Izvršeno je osavremenjivanje sadržaja kako bi naši diplomci na osnovnim i doktorskim studijama posjedovali znanja ekvivalentna onima na vodećim evropskim i svjetskim univerzitetima.

Aplikativni ishodi i studentski fokus: Težište nastave pomjereno je na učenje zasnovano na ishodima i praktičnoj primjeni znanja. Uveden je sistem kontinuiranog ocjenjivanja koji balansira opterećenje studenata sa potrebom za osiguranjem vrhunskog kvaliteta.

Internacionalizacija i ljudski resursi: Kvalitet nastave dodatno se osnažuje angažovanjem gostujućih profesora iz regiona i inostranstva. Istovremeno, Univerzitet kontinuirano investira u edukaciju sopstvenog kadra kroz seminare, radionice i programe usavršavanja u zemlji i svijetu.

Student kao aktivan subjekt: Poseban akcenat stavljen je na uključivanje studenata u naučnoistraživački rad, čime se podstiče kritičko mišljenje i kreativni doprinos akademskoj zajednici.

Studijski programi osnovnih akademskih studija Univerziteta u Novom Pazaru

Osnovna misija studijskih programa Univerziteta u Novom Pazaru je osposobljavanje studenata za kompetentan rad, inovativno razmišljanje i kontinuiran naučni razvoj. Naši programi su dizajnirani tako da integrišu teorijska saznanja sa praktičnim vještinama, pružajući studentima metodološku osnovu za rješavanje složenih profesionalnih izazova.

1. Usklađenost sa međunarodnim i nacionalnim okvirima

Prilikom definisanja ishoda učenja, Univerzitet se striktno pridržava:

- Dablinskih deskriptora i Evropskog okvira kvalifikacija (EQF).
- Nacionalnog okvira kvalifikacija (NOKS).
- Standardima vodećih međunarodnih univerziteta u oblastima društveno-humanističkih, prirodno-tehničkih i umjetničkih nauka.

2. Specifični ishodi učenja po studijskim programima

Struktura kurikuluma osigurava sticanje ključnih kompetencija unutar različitih disciplina:

- Psihologija i Pedagogija (Vaspitač): Integracija bazičnih nauka sa praktičnim vještinama, razvoj komunikacijskih kompetencija i kontinuirana edukacija.

- Pravo: Fokus na pravničko razmišljanje, rješavanje sporova, te osposobljavanje za najsloženije poslove u oblasti kriminalističkih i policijsko-bezbjednosnih djelatnosti.
- Filološke nauke (Srpski, Bosanski, Engleski i Njemački jezik): Objedinjavanje nauke o jeziku i književnosti sa pedagoškim načelima i društvenim kompetencijama.
- Ekonomija i Informatika: Spoj bazičnih nauka (biznis, IT) sa specifičnim aplikativnim vještinama i visokim profesionalizmom.
- Umjetnost (Slikarstvo, Modni i Grafički dizajn): Integracija teorije umjetnosti sa tehnologijom dizajna i ličnim kreativnim razvojem.

3. Inovativne nastavne metode i e-učenje

Univerzitet je izvršio tranziciju sa tradicionalne ex-cathedra nastave na interaktivni model. Ovaj pristup uključuje:

- Rad u malim grupama: Omogućava direktnu komunikaciju sa nastavnicima i bolju integraciju znanja.
- Savremene laboratorije: Studenti Informatike i stranih jezika koriste vrhunsku opremu za sticanje aplikativnih vještina.
- E-learning platforma: U fazi izrade je platforma koja će omogućiti stalnu dostupnost nastavnih materijala.
- Integritet rada: Uvođenjem softvera za antiplagijarizam i jedinstvenog registra seminarskih radova, osiguravamo originalnost i visok kvalitet studentskih istraživanja.

4. Sistem ocjenjivanja i ESPB bodovanje

Sistem ocjenjivanja je u potpunosti transparentan i zasnovan na mjerenju ishoda učenja:

- Kontinuirano praćenje: Predispitne obaveze (kolokvijumi, seminarski radovi, aktivnost) čine 30–70% ukupne ocjene.
- ESPB implementacija: Svaka akademska godina nosi 60 bodova, precizno dodijeljenih prema realnom opterećenju studenata.
- Digitalna evidencija: Putem bar-kod sistema i saradnje sa Centrom za osiguranje kvaliteta, prati se prisustvo nastavi i realizacija plana u realnom vremenu.

5. Evaluacija kvaliteta i glas poslodavaca

Univerzitet redovno sprovodi ankete među studentima i poslodavcima u regiji (Novi Pazar, Sjenica, Tutin, Priboj, Prijepolje). Rezultati pokazuju:

- Visoko zadovoljstvo poslodavaca: Diplomci UNINP-a posjeduju snažno teorijsko znanje i iznadprosječne praktične vještine.
- Spremnost za naučni rad: Većina ispitanika smatra da naši studenti imaju odličnu osnovu za dalje naučno-istraživačko usavršavanje.
- Mobilnost: Naši studenti ostvaruju pravo na prenos ESPB bodova kroz sporazume o saradnji sa drugim akreditovanim institucijama.

Master studije

Master akademske studije na Univerzitetu u Novom Pazaru koncipirane su kao napredni nivo obrazovanja koji podstiče stvaralački potencijal, kritičko promišljanje i samostalnost u naučno-istraživačkom radu. Osnovni zadatak ovih programa je transformacija akademskih osnova stečenih na prvom stepenu studija u specijalizovana znanja primjenjiva u praksi.

Strateški ciljevi master studija

Programi su fokusirani na četiri ključna stuba razvoja studenta:

- Produblјivanje naučne osnove: Proširivanje teorijskih i metodoloških saznanja u usko stručnim oblastima.
- Samostalnost u rješavanju problema: Osposoblјavanje studenata da kompetentno analiziraju i pronalaze rješenja za kompleksne situacije iz prakse.
- Sinteza nauke i prakse: Pružanje alata i tehnika za samostalno sagledavanje relevantnih izazova savremene nauke.
- Priprema za doktorski nivo: Formiranje čvrste akademske baze neophodne za nastavak edukacije na doktorskim studijama.

Ishodi učenja i stečene kompetencije

Po završetku master studija, naši svršenci posjeduju jasno definisane opšte i predmetno-specifične sposobnosti:

- Analitičko i kritičko mišljenje visokog stepena.
- Vještine strateškog planiranja i organizovanja složenih procesa.
- Sposobnost direktne primjene naprednih znanja u realnom radnom okruženju.
- Kapacitet za praćenje globalnih naučnih trendova i inovacija.

Transparentnost i osiguranje kvaliteta

Univerzitet obezbjeđuje maksimalnu dostupnost svih informacija putem službenog sajta i Informatora za studente. Proces upisa, trajanje i završetak studija precizno su definisani pravnim aktima.

Za izvrsnost i dosljedno sprovođenje plana nastave na ovom nivou zaduženi su:

- Centar za postdiplomske studije i cjeloživotno obrazovanje,
- Rukovodioci departmana,
- Odbor za unapređenje i osiguranje kvaliteta nastave.

Pravovremena objava kalendara nastave i ispitnih rokova na zvaničnim kanalima osigurava studentima predvidljivost i visoku organizovanost tokom procesa specijalizacije.

Doktorske studije

Naučnoistraživački rad predstavlja strateško opredjeljenje Univerziteta u Novom Pazaru, a razvoj doktorskih studija postavljen je kao najviši prioritet. Naši programi trećeg stepena obrazovanja dizajnirani su da oblikuju lidere u nauci koji će svojim istraživanjima odgovoriti na složene izazove savremenog društva.

1. Ciljevi i struktura istraživačkog procesa

Doktorske studije su strukturirane kroz tri ključne dimenzije:

- Teorijsko-metodološki razvoj: Savladavanje kvantitativnih i kvalitativnih pristupa, planiranje istraživanja, te primjena naprednih statističkih metoda u interpretaciji podataka.
- Aplikativna istraživanja: Fokus na primjenu naučnih rezultata u praksi kroz razvoj vještina neophodnih za organizaciju i vođenje kompleksnih projekata.
- Edukacija naučnog kadra: Osposoblјavanje istraživača za rad na univerzitetima, institutima i u specijalizovanim ustanovama koje zahtijevaju visok nivo naučne ekspertize.

2. Kompetencije doktora nauka

Nakon završetka doktorskih studija, istraživači su osposobljeni za samostalno djelovanje u svjetskom naučnom prostoru, što uključuje:

- Dizajniranje originalnih naučnih protokola i upravljanje bazama podataka.
- Naprednu pisanu i usmenu naučnu komunikaciju na međunarodnom nivou.
- Pripremu i vođenje naučnih projekata te kritičku analizu svjetske literature.
- Odbranu doktorske disertacije kao originalnog doprinosa nauci.

3. Standardi kvaliteta i resursi

Programi su u potpunosti usklađeni sa Bolonjskom deklaracijom i nacionalnim standardima akreditacije. Našu izvrsnost garantuju:

- Eminentni profesori: Nastavni proces izvođe vodeći domaći i gostujući naučnici.
- Vrhunski resursi: Osigurani su svi prostorni, bibliotečki i IT resursi neophodni za vrhunski istraživački rad.
- Mobilnost istraživača: Sistem prenosa ESPB bodova omogućava studentima razmjenu sa drugim akreditovanim svjetskim univerzitetima.
- Stalni monitoring: Kvalitet programa se redovno provjerava kroz procese samovrednovanja i studentske evaluacije.

Transparentnost procesa osigurana je Pravilnikom o akademskim doktorskim studijama, koji precizno definiše sve korake od upisa do sticanja naučnog stepena doktora nauka.

Kvalitet nastavnog procesa

Osiganje kvaliteta, digitalizacija i međunarodna saradnja

Od svog osnivanja 2002. godine, Univerzitet u Novom Pazaru kontinuirano unapređuje nastavni proces, usvajajući najviše standarde kvaliteta i procedure koje osiguravaju akademsku izvrsnost. Danas, naš obrazovni model počiva na precizno definisanim ishodima, modernoj infrastrukturi i digitalnim servisima.

1. Organizacija i transparentnost nastave

Planiranje i realizacija nastave na osnovnim i master studijama (1200 časova godišnje) zasnovani su na principima predvidljivosti i dostupnosti:

- Kalendar nastave i rasporedi: Senat usvaja precizan kalendar prije početka akademske godine, koji je, uz detaljne rasporede po prostorijama, dostupan svim studentima na internet prezentaciji.
- Standardizacija završnih radova: Pravilnikom o diplomskom ispitu uspostavljeni su jedinstveni kriterijumi sadržaja i ocjenjivanja, čime se garantuje visok nivo stručnosti svršena studenata.

2. Digitalni servisi i e-Uprava

Univerzitet prati trendove digitalizacije kroz sopstvena softverska rješenja:

- Studentski e-servis: Omogućava studentima online prijavu ispita, uvid u ocjene i direktnu komunikaciju sa Službom za nastavu.
- Elektronska evidencija: Putem bar-kod sistema i informacionog sistema koji vodi Centar za monitoring, evaluaciju i akreditaciju, vrši se precizno praćenje prisustva nastavi i realizacije plana rada.

- E-učenje: Aktivno se razvija platforma za e-učenje koja će dodatno olakšati pristup nastavnim materijalima.

3. Kontrola kvaliteta i evaluacija

Sistem kontrole je višeslojan i uključuje:

- Odbor za unaprjeđenje kvaliteta: Redovni obilasci nastave, kontrola pedagoških metoda i analiza relevantne dokumentacije.
- Analizu prorektora za nastavu: Mjesečni izvještaji rukovodilaca departmana prolaze studioznu analizu kako bi se otklonila i najmanja odstupanja od usvojenih standarda.
- Studentske ankete: Mišljenje studenata je ključni parametar u evaluaciji rada nastavnog osoblja.

4. Nastavni kadar i Erasmus+ mobilnost

Kvalitet ljudskih resursa osigurava se strogim kriterijumima izbora i stalnim usavršavanjem:

- Etičnost i stručnost: Provjera kompetencija vrši se na nivou Naučno-nastavnog vijeća, uz kontinuirano podsticanje nastavnika na učešće u međunarodnim projektima.
- Erasmus povelja (ECHE): Kao nosilac Erasmus povelje za visoko obrazovanje, Univerzitet omogućava svom osoblju i studentima mobilnost širom Evrope, učešće na prestižnim konferencijama i rad sa međunarodnim ekspertima.
- Nova paradigma obrazovanja: Insistiramo na interaktivnoj nastavi, studentskoj praksi kao obaveznom elementu i stalnoj obuci mladih asistenata za primjenu najsavremenijih metoda učenja.

IZVJEŠTAJ O NAUČNOM RADU

Časopis Univerzitetska misao

Jedan od najsnažnijih stubova akademskog identiteta Univerziteta u Novom Pazaru je naučni časopis "Univerzitetska misao". Pokrenut 2002. godine, časopis kontinuirano služi kao prestižna platforma za objavljivanje radova renomiranih profesora i perspektivnih mladih istraživača.

Pod rukovodstvom glavne urednice, doc. dr Mine Mavrić, časopis primjenjuje stroge standarde naučnog izdavaštva:

- Dvostruka recenzija: Svaki rad podliježe anonimnoj ocjeni dva stručnjaka iz predmetne oblasti. Pozitivne recenzije su isključivi uslov za objavljivanje.
- Originalnost i odgovornost: Insistira se na visokom stepenu vjerodostojnosti i originalnosti, uz kontinuiranu komunikaciju Uredivačkog odbora sa autorima radi unapređenja kvaliteta rukopisa.
- Multijezičnost: Časopis njeguje inkluzivnost i međunarodnu vidljivost objavljivanjem radova na srpskom, bosanskom i engleskom jeziku.

Poseban uspjeh Univerziteta u 2024. godini predstavlja zvanično napredovanje časopisa na listama kategorizacije naučnih časopisa. "Univerzitetska misao" je trenutno prepoznata u sljedećim naučnim oblastima:

- Pravo i politikologija: Kategorija M52 (istaknuti nacionalni časopis);
- Sociologija i demografija: Kategorija M52;
- Psihologija, pedagogija, andragogija i specijalno obrazovanje: Kategorija M53 (nacionalni časopis);
- Srpski jezik i književnost: Kategorija M53.

Ova kategorizacija od strane resornog Ministarstva direktna je potvrda rasta naučnog uticaja Univerziteta i kvaliteta istraživanja koja se realizuju pod njegovim okriljem.

Izvor	Disciplina	2024	2023	2022	2021	2020	2019	2018	2017	2016	2015
MPN	Društveno-humanističke nauke - sociologija i demografija	52	51	53							
MPN	Društveno-humanističke nauke - psihologija, pedagogija, andragogija i spec. vaspitanje	53									
MPN	Društveno-humanističke nauke - pravo i politikologija	52	51	52	51			53	53	53	53
MPN	Društveno-humanističke nauke - srpski jezik i književnost	53									
MPN	Društveno-humanističke nauke - interdisciplinarne nauke					53	53				

Ilustracija 1: Kategorizacija časopisa „Univerzitetska misao“

Izvor: https://kobson.nb.rs/nauka_u_srbiji/kategorizacija_casopisa_33.html

Časopis Ekonomski izazovi

Pored "Univerzitetske misli", izdavačka djelatnost Univerziteta u Novom Pazaru prepoznatljiva je i po časopisu "Ekonomski izazovi". Ovaj naučni časopis objavljuje radove iz šireg spektra društveno-humanističkih i informatičko-matematičkih nauka, s posebnim fokusom na discipline koje na analitički način osvijetljavaju problematiku savremenog društva.

Specifičnost "Ekonomskih izazova" ogleda se u snažnoj društvenoj ulozi. Fokus časopisa je na ekonomiji, sa jasnim ciljem da:

- Podstakne preduzetnički duh: Pruža smjernice onima koji imaju poslovne ideje, pomažući im da identifikuju šanse i odvaži se na pokretanje sopstvenog biznisa.
- Unaprijedi nastavni proces: Služi kao resurs za inoviranje nastave na Univerzitetu, spajajući naučno stvaralaštvo sa realnim potrebama privrede.
- Podrži naučni podmladak: Časopis je ključna platforma za nastavnike, saradnike i studente doktorskih studija, omogućavajući im ispunjenje naučnih uslova za odbranu doktorskih disertacija.

Pod rukovodstvom glavnog urednika, doc. dr. Dženisa Bajramovića, časopis primjenjuje najviše standarde akademskog izdavaštva:

- Međunarodni uređivački odbor: Sastavljen od profesora sa matičnog departmana i renomiranih stručnjaka iz vodećih domaćih i inostranih institucija.
- Nezavisna recenzija: Svi radovi prolaze kroz proces dvostruke, nezavisne recenzije.
- Regionalna dostupnost: Radovi se objavljuju na bosanskom, srpskom, hrvatskom i crnogorskom jeziku, čime se osigurava široka vidljivost u regionu.

Kao kruna dugogodišnjeg rada na kvalitetu, časopis je trenutno kategorizovan u kategoriji "Ekonomija i organizacione nauke" sa visokim rangom M51 (vrhunski časopis nacionalnog značaja), što ga svrstava u sam vrh naučne periodike u zemlji.

Izvor	Disciplina	2024	2023	2022	2021	2020	2019	2018	2017	2016	2015
MPN	Društveno-humanističke nauke - ekonomija i organizacione nauke	51	51	52	52	53	52	53	53	53	53
ERIH+	ERIH+		23	23	23	23	23	23	23	23	23

Ilustracija 2: Kategorizacija časopisa „Ekonomski izazovi“

Izvor: https://kobson.nb.rs/nauka_u_srbiji/kategorizacija_casopisa_33.html

Časopis Pravne teme

U okviru bogate izdavačke djelatnosti Departmana za pravne nauke, posebno mjesto zauzima naučni časopis "Pravne teme". Od svog osnivanja 2013. godine, časopis izlazi dva puta godišnje, donoseći radove koji tretiraju najaktuelnije izazove iz oblasti pravnih, kriminalističkih i policijsko-bezbjednosnih nauka.

Pod uredničkim vodstvom prof. dr. Ergina Hakića, časopis slijedi jasnu stratešku viziju:

- Okupljanje eksperata: Misija redakcije je da na jednom mjestu integriše radove najeminentnijih stručnjaka sa prostora Zapadnog Balkana, ali i da pruži naučnu priliku perspektivnim mladim istraživačima.
- Regionalni i međunarodni ugled: Težimo da "Pravne teme" postanu jedan od vodećih časopisa u regionu, privlačeći renomirane autore sa visokoškolskih institucija iz zemlje i okruženja.
- Digitalna dostupnost: Putem zvanične veb stranice časopisa, omogućena je potpuna elektronska dostupnost izdanja, čime se stvara globalni forum za najaktuelnija pravna pitanja.

Kvalitet uređivačke politike i dosljednost u primjeni naučne metodologije potvrđeni su i od strane nadležnog Ministarstva. Časopis je trenutno kategorizovan u kategoriji „Pravo i politikologija“ sa rangom M53.

Ovaj status nacionalnog naučnog časopisa predstavlja čvrstu osnovu za dalji napredak na listi kategorizacije i postizanje međunarodnog naučnog ugleda, čime Univerzitet u Novom Pazaru dodatno potvrđuje svoju ulogu ključnog naučnog čvorišta u oblasti društvenih nauka.

Izvor	Disciplina	2024	2023	2022	2021	2020	2019	2018	2017
MPN	Društveno-humanističke nauke - pravo i politikologija	53	53	53	53	54	53	54	54

Ilustracija 3: Kategorizacija časopisa „Pravne teme“

Izvor: https://kobson.nb.rs/nauka_u_srbiji/kategorizacija_casopisa_33.html

Naučni i umjetničko istraživački rad

Univerzitet u Novom Pazaru na SPLET Tech konferenciji 2024

U okviru strateškog opredjeljenja ka inovacijama i jačanju veza sa tehnološkim sektorom, delegacija Univerziteta u Novom Pazaru učestvovala je na SPLET Tech konferenciji 2024, održanoj u MTS dvorani u Beogradu. Delegaciju su predvodili rektor, prof. dr. Suad Bećirović, i rukovodilac Departmana za ekonomske i računarske nauke, doc. dr. Dženis Bajramović.

Konferencija, koju su organizovali USAID, program „Preduzmi ideju“ i Inicijativa Digitalna Srbija, poslužila je kao platforma za prezentaciju ključnih rezultata saradnje akademskog i realnog sektora. Centralni događaj za našu instituciju bila je promocija vodiča pod naslovom “Budućnost na točkovima”. Izradu ovog značajnog dokumenta podržali su Univerzitet u Novom Pazaru, PR Mujo Ahmatović i Centar NIT.

Autorski tim koji čine dr. Amela Ljajić, doc. dr. Dženis Bajramović, dr. Edisa Drešković i Melisa Bejtović, u okviru vodiča tretirao je savremene izazove u sektorima transporta i logistike. Fokus rada je na implementaciji digitalnih tehnologija Industrije 4.0, s ciljem optimizacije poslovnih procesa i podizanja efikasnosti unutar ovih strateških grana privrede. Kao jedna od najvećih regionalnih manifestacija posvećenih tehnološkom razvoju, SPLET Tech konferencija je kroz 90 sesija i više od 100 govornika otvorila pitanja od ključnog značaja za modernu ekonomiju, uključujući:

- Web3 tehnologije i strategije rasta;
- Internacionalizaciju poslovanja;
- Uticaj tehnološkog napretka na savremenu legislativu.

Učešće u specijalizovanim VC zonama (Venture Capital) omogućilo je predstavnicima Univerziteta direktan kontakt sa startup zajednicom, investitorima i biznis anđelima. Ovim aktivnostima Univerzitet u Novom Pazaru nastavlja aktivno doprinositi razvoju preduzetničkog ekosistema i osigurava svojim nastavnicima i studentima uvid u najnovije globalne tehnološke trendove.

Delegacija Univerziteta u Novom Pazaru prisustvovala svečanom otvaranju programa Fonda za nauku u MTS dvorani: DIJASPORA 2024 i IDEJA 2024.

Prof. dr. Samir Ljajić, koordinator za nauku univerziteta i rukovodilac departmana za pedagogiju i psihologiju, prof. dr. Ergin Hakić, koordinator za međunarodnu saradnju univerziteta i rukovodilac departmana za pravne nauke koordinator i doc. dr. Dženis Bajramović, rukovodilac departmana za ekonomske i računarske nauke učestvovali na skupu Fonda za nauku.

Program je otvorio prof. dr. Nenad Filipović, novi direktor Fonda za nauku, inače redovni profesor Fakulteta inženjerskih nauka Univerziteta u Kragujevcu (bivši rektor Univerziteta u Kragujevcu). Direktor fonda za nauku prof. dr. Nenad Filipović je fond nazvao glavnim motorom akademskog i naučnog rada i svojevrsnim protočnim bojlerom koji sredstva usmjerava na najkvalitetnije projekte ističući da je do sada finansirano preko 500 naučnih projekata u 11 programa.

Skupu se obratila i Jelene Begović, ministarka nauke, tehnološkog razvoja i inovacija koja je istakla važnost nauke za savladavanje i egzistencijalnih i ekoloških nedaća sa kojima se suočava svijet i naša zemlja.

Obratili su se i šef delegacije i ambasador Evropske unije u Srbiji Emanuele Dofre i direktor Kancelarije Svetske banke u Srbiji, Nikola Pontara.

Delegacija Univerziteta je marginama skupa razmijenila ideje sa prof. dr Nenadom Filipovićem, novim direktorom Fonda za nauku i Jovanom Milićem, Posebnim savjetnikom ministra nauke, tehnološkog razvoja i inovacija Jelene Begović.

Uskoro će naučni radnici Univerziteta u Novom Pazaru kandidovati svoje naučne projekte.

Univerzitet u Novom Pazaru potpisao ugovor o saradnji sa Blum institutom iz Sarajeva

U cilju jačanja istraživačkih kapaciteta i modernizacije nastavnog procesa, Univerzitet u Novom Pazaru ozvaničio je saradnju sa Blum institutom, prestižnom naučnoistraživačkom institucijom posvećenom razvoju računarskih nauka, inženjerstva, vještačke inteligencije i autonomnih robotskih sistema.

Svečanim potpisivanjem sporazuma, kojem su prisustvovali osnivač Blum instituta Admir Kulin i savjetnik ministra vanjskih poslova BiH Dino Selimović, otvorena je nova poglavlja u razvoju tehničkih nauka na našem Univerzitetu. Delegacija je tokom posjete obišla univerzitetski kampus, kao i naučni centar “Vakuf znanja – akademika Muamera Zukorlića”.

Visoku podršku ovoj inicijativi pružio je predsjednik Mešihata Islamske zajednice u Srbiji, muftija dr. Mevlud ef. Dudić, naglasivši važnost uvezivanja naučnih institucija radi opšteg društvenog napretka.

Ovo partnerstvo omogućava studentima i akademskom osoblju direktan uvid u najsavremenija istraživanja koja transformišu sektore zdravstva, energetike i proizvodnje. Planirane aktivnosti uključuju:

- Organizaciju zajedničkih naučnih projekata i seminara;
- Direktni mentorski rad sa vodećim stručnjacima iz oblasti robotike;
- Razmjenu znanja u domenu digitalne transformacije i autonomnih sistema.

Tokom radne posjete, delegacija je obišla Smart City centar, gdje su predstavljeni inovativni lokalni projekti. Također, posjeta Konzulatu Bosne i Hercegovine poslužila je kao platforma za razgovor o širenju akademske saradnje između institucija iz BiH i ovog dijela Srbije, sa posebnim akcentom na jačanje univerzitetske zajednice.

Ovim partnerstvom, Univerzitet u Novom Pazaru značajno podiže svoje inovacijske kapacitete, pozicionirajući se kao regionalni lider u usvajanju tehnologija budućnosti.

2. međunarodna konferencija o ekološkoj pedagogiji i ekološkoj psihologiji na Univerzitetu u Novom Pazaru

U organizaciji Univerziteta u Novom Pazaru, održana je značajna međunarodna naučna konferencija pod nazivom “Razvoj odnosa čovjek-sredina kroz prizmu ekološke pedagogije i psihologije”. Ovaj skup je poslužio kao platforma za interdisciplinarni dijalog o jednoj od najaktuelnijih tema današnjice – ulozi obrazovanja i psihologije u očuvanju životne sredine.

Konferencija je okupila eminentne stručnjake i istraživače iz više država regiona i šire, uključujući predstavnike akademskih zajednica iz Srbije, Crne Gore, Bosne i Hercegovine, Turske i Sjeverne Makedonije. Ovakav odziv potvrđuje regionalni ugled Univerziteta i njegovu sposobnost da inicira dijalog o globalno važnim pitanjima.

Tokom sesija i plenarnih predavanja, naučna pažnja bila je usmjerena na:

- Ekološku pismenost i svijest: Analiza metoda za razvijanje ekološke odgovornosti kod djece i mladih.
- Mentalno zdravlje: Ispitivanje uticaja zagađenja životne sredine i urbanizacije na psihološko blagostanje pojedinca.
- Obrazovanje za održivi razvoj: Definisanje novih pedagoških pristupa koji integrišu principe održivosti u redovne nastavne planove.

Kroz seriju interaktivnih predavanja, učesnici su razmijenili vrijedna iskustva i inovativne ideje o tome kako pedagogija i psihologija mogu sinergijski djelovati na izgradnju zdravijeg i svjesnijeg odnosa prema prirodi. Zaključci konferencije služit će kao osnova za dalja istraživanja i implementaciju ekoloških modula u okviru studijskih programa na našem Univerzitetu.

Otvorena galerija na Univerzitetu u Novom Pazaru

U okviru sveobuhvatnog razvoja infrastrukturnih i kulturnih kapaciteta, svečano je otvorena Univerzitetska galerija, koja je projektovana da bude središte kreativnog izražavanja ne samo za Novi Pazar i Sandžak, već i za širi regionalni prostor. Galerija predstavlja jedinstvenu platformu koja spaja tradiciju sa savremenim umjetničkim senzibilitetom, potičući inspiraciju i saradnju između etabliranih umjetnika, profesora i studenata.

Rad galerije otpočeo je reprezentativnom izložbom grafika akademika prof. dr. Fehima Huskovića pod nazivom „Bahčaluk“. Ovo umjetničko djelo na autentičan način interpretira povijesni kontekst i izazove života na našim prostorima, postavljajući visoke estetske i tematske standarde za buduće postavke.

Svečanost je upotpunjena izvedbom valcera „Mosk Pari“ kompozitora Eda Krilića, u interpretaciji Nevzada Demirovića, dok su se prisutnima obratili predsjednik Mešihata IZ u Srbiji muftija dr. Mevlud ef. Dudić, rektor prof. dr. Suad Bećirović, prorektor za kulturu akademik prof. dr. Fehim Husković, prof. Asmir Husović i mr. Medžid Fakić.

U znak zahvalnosti za izuzetan doprinos realizaciji ovog značajnog projekta, dodijeljene su plakete zaslužnim institucijama i pojedincima.

Univerzitetska galerija nastavlja sa svojim radom kao otvorena institucija kulture. Postavka djela akademika Huskovića dostupna je svim zainteresovanim posjetiocima svakog radnog dana u terminu od 09:00 do 14:00 sati, čime Univerzitet direktno doprinosi bogaćenju kulturnog života šire zajednice.

Uspješno održana obuka za pisanje naučnih projekata na Univerzitetu u Novom Pazaru

Na Univerzitetu u Novom Pazaru održana je specijalizovana Obuka za pisanje projekata u okviru „Poziva IDEJE 2024“, koji je raspisao Fond za nauku Republike Srbije. Ova inicijativa pokrenuta je na prijedlog koordinatora za nauku, prof. dr Samira Ljajića, sa ciljem osnaživanja istraživačkih kapaciteta ove visokoškolske ustanove.

Obuci se odazvao impresivan broj nastavnika i saradnika sa različitih departmana, što potvrđuje visoku motivisanost akademskog osoblja za bavljenje vrhunskim naučnoistraživačkim radom. Tokom sesija, učesnici su imali priliku da se detaljno upoznaju sa:

- Kriterijumima i procedurama Fonda za nauku;
- Metodologijom pisanja uspješne projektne prijave;
- Formulisanjem inovativnih istraživačkih pitanja koja odgovaraju potrebama savremenog društva.

Ekspertiza u digitalnom pravu: Učešće prof. dr. Aleksandra B. Ivanovića na međunarodnoj konferenciji u Kolašinu

U okviru kontinuiranog doprinosa razvoju pravne nauke u oblasti visokih tehnologija, prof. dr. Aleksandar Ivanović, profesor Departmana za pravne nauke Univerziteta u Novom Pazaru, učestvovao je kao panelista na prestižnoj međunarodnoj konferenciji “Pravo i bezbjednost u

digitalnom svijetu – Uticaj vještačke inteligencije”, održanoj 3. marta 2025. godine u Kolašinu.

Konferencija je okupila vodeće stručnjake iz regiona i Evrope koji su kroz intenzivne panel diskusije analizirali kritične aspekte digitalne transformacije društva. Poseban akcenat stavljen je na:

- Pravne aspekte i regulativu vještačke inteligencije (AI): Izazovi usklađivanja zakonodavstva sa brzim tehnološkim napretkom.
- Sigurnost kritične infrastrukture: Zaštita sistema od vitalnog značaja u digitalnom okruženju.
- Digitalnu forenziku: Razvoj novih metoda istrage u sajber prostoru.

Tokom izlaganja i diskusija, istaknuta je potreba za hitnim razvojem institucionalnih kapaciteta i zakonske regulative koja bi osigurala odgovornu i sigurnu primjenu AI tehnologija. Naglašeno je da region, uključujući Crnu Goru, mora intenzivnije raditi na kreiranju okvira za implementaciju postojećih tehnoloških rješenja, pri čemu akademska zajednica i stručnjaci poput profesora Ivanovića igraju ključnu ulogu u savjetodavnom i edukativnom smislu.

Ovim učešćem, Univerzitet u Novom Pazaru potvrđuje da njegovi nastavnici aktivno oblikuju naučni diskurs u domenu digitalne bezbjednosti i savremenog prava, čime se osigurava da se najnovija saznanja direktno implementiraju u nastavni proces na matičnom departmanu.

Međunarodna naučna konferencija SMEPP 2025: Vještačka inteligencija kao pokretač razvoja

Univerzitet u Novom Pazaru bio je domaćin prestižne međunarodne naučne konferencije SMEPP 2025, koja je pod naslovom „Vještačka inteligencija kao pokretač razvoja nerazvijenih područja“ održana 3. juna 2025. godine. Skup je organizovao Departman za ekonomske i računarske nauke, uz značajnu podršku Akademije strukovnih studija Kosova i Metohije te Ministarstva nauke, tehnološkog razvoja i inovacija Republike Srbije.

Konferenciju su otvorili visoki zvaničnici akademske zajednice, uključujući rektora UNINP-a prof. dr. Suada Bećirovića, te istaknute naučnike dr. Milana Mišića, dr. Gordanu Jovanović, dr. Borisa Šiljkovića i doc. dr. Dženisa Bajramovića. Uvodna obraćanja naglasila su važnost akademske proaktivnosti u razumijevanju tehnologija koje iz temelja mijenjaju ekonomski pejzaž.

Vodeći stručnjaci iznijeli su ključne naučne uvide kroz plenarna izlaganja:

- Prof. dr. Ana Kovačević (Univerzitet u Beogradu) analizirala je složene rizike koje donosi generativna vještačka inteligencija.
- Prof. dr. Muzafer Saračević (UNINP) ukazao je na primarni značaj integriteta i pouzdanosti podataka kao osnove za svaki AI sistem.

Učesnici konferencije definisali su strateške smjernice za budući razvoj:

- Smanjenje digitalne neravnopravnosti: AI ima potencijal da postane ključni alat za ubrzani razvoj manje razvijenih područja, uz uslov adekvatne infrastrukture.
- Transformacija sektora: Dok privatni sektor prednjači u automatizaciji, javni sektor zahtijeva dodatna ulaganja u kvalitet podataka.
- Etički i regulatorni okvir: Naglašeno je da obrazovanje i etika moraju pratiti tehnološki razvoj kako bi primjena AI bila sigurna i odgovorna.
- Digitalna ekonomija: Konstatovano je da digitalne finansije i bezgotovinsko poslovanje postaju dominantan globalni standard.
- Konferencija SMEPP 2025 još jednom je potvrdila poziciju Univerziteta u Novom Pazaru kao lidera u naučnom diskursu o inovacijama, čime se direktno doprinosi naučnoj bazi za digitalnu transformaciju regije.

Globalna naučna saradnja: Univerzitet u Novom Pazaru na konferenciji u Sarajevu

U okviru jačanja međunarodne naučne saradnje i promocije etičkog poslovanja, delegacija Univerziteta u Novom Pazaru učestvovala je na međunarodnoj konferenciji “Values for Impact: Ethical Finance, Innovation and Sustainable Growth”, koja je održana 21. juna 2025. godine na Internacionalnom univerzitetu u Sarajevu.

Univerzitet su predstavljali rektor, prof. dr. Suad Bećirović, i finansijski menadžer, mast. ekon. Haris Zogić. Tokom konferencije, predstavnici našeg Univerziteta uspješno su prezentovali naučne radove iz oblasti islamskih finansija, aktivno učestvujući u diskusijama o ulozi vrijednosti u razvoju inovacija i održivog ekonomskog rasta.

Događaj je okupio vodeće svjetske eksperte iz Saudijske Arabije, Ujedinjenog Kraljevstva, SAD-a, Turske, Maroka, Indonezije, Malezije, Pakistana, UAE, Bosne i Hercegovine i Srbije. Učešće u ovako diversifikovanom naučnom krugu omogućilo je razmjenu najsavremenijih saznanja o globalnim trendovima u etičkoj ekonomiji.

Kao direktan rezultat učešća na ovom skupu, dogovoreno je učešće svjetski priznatih eksperata na naučnoj konferenciji koju Univerzitet u Novom Pazaru organizuje u oktobru 2025. godine na temu islamske ekonomije. Ovaj korak dodatno pozicionira naš Univerzitet kao:

- Regionalni centar za izučavanje islamskih finansija i etičke ekonomije;
- Globalni most saradnje među akademskim zajednicama istoka i zapada;
- Lidera u promociji održivih ekonomskih modela zasnovanih na univerzalnim vrijednostima.

Ljetnja akademija umjetnosti: Naučni centar „Vakuf znanja“ kao epicentar kulture i nauke

U imponantnom prostoru Naučnog centra „Vakuf znanja – akademika Muamera Zukorlića“, Univerzitet u Novom Pazaru svečano je otvorio „Ljetnju akademiju umjetnosti – Grafičku radionicu“. Ovaj događaj, održan 28. juna 2025. godine, okupio je akademsku zajednicu, umjetnike i studente, potvrđujući stratešku opredijeljenost Univerziteta ka promociji kreativnosti i kulturnog razvoja.

Rektor Univerziteta, prof. dr. Suad Bećirović, istakao je u uvodnom obraćanju da će Naučni centar biti epicentar budućeg intelektualnog rada. Najavljena je intenzivna agenda koja uključuje brojne naučne konferencije i radionice, čime se ovaj prostor etablira kao ključna infrastruktura za akademski napredak institucije.

Rukovodilac Departmana za umjetnost i filološke nauke, doc. Asmir Husović, naglasio je da umjetnost na našem Univerzitetu nije samo estetski izraz, već fundamentalni dio obrazovnog procesa. Najavljen je bogat kulturni program koji uključuje likovne kolonije i književne večeri, čime Univerzitet direktno obogaćuje kulturnu scenu Novog Pazara i Sandžaka.

Akademik prof. dr. Fehim Husković održao je inspirativno predavanje o ulozi grafike u očuvanju kulturne baštine. U emotivnom osvrtu, akademik Husković izrazio je duboku zahvalnost rahmetli akademiku Muameru Zukorliću za njegovu vizionarsku ulogu u utemeljenju umjetnosti na Univerzitetu, kao i aktuelnom rukovodstvu na kontinuiranoj podršci umjetničkim programima.

Radni dio akademije fokusiran je na usvajanje naprednih grafičkih tehnika (monotipija i bakropis) pod mentorstvom Amira Hadžića, višeg asistenta sa Akademije likovnih umjetnosti u Sarajevu. Ovakva saradnja sa kolegama iz regiona omogućava studentima sticanje specifičnih vještina i direktan kontakt sa savremenim umjetničkim tokovima.

Uspješno realizovana Obuka za pisanje naučnih radova na Univerzitetu u Novom Pazaru

U amfiteatru UNP-a, 23. aprila, održana je obuka namijenjena asistentima i saradnicima u nastavi, ali i otvorena za sve profesore i studente koji žele da unaprijede svoje znanje o pisanju i objavljivanju naučnih radova.

Predavanja su držali:

- Prof. dr Samina Dazdarević
- Doc. dr Dženis Bajramović
- Prof. dr Muzafer Saračević
- Prof. dr Ergin Hakić
- Prof. dr Kimeta Hamidović

Zahvaljujući njihovom iskustvu i jasnoći izlaganja, učesnici su imali priliku da steknu konkretna i primjenljiva znanja – od tehničkih smjernica za pisanje rada, preko pretrage baza podataka i izbora časopisa, pa sve do etike objavljivanja i postupka recenzije.

Predstavnici Univerziteta u Novom Pazaru na otvaranju novih programa Fonda za nauku

Koordinator za nauku, prof. dr Samir Ljajić, i rukovodilac Departmana za ekonomske i računarske nauke, doc. dr Dženis Bajramović, prisustvovali su danas svečanom događaju u Naučno-tehnološkom parku Beograd, na kojem su predstavljene novi programi Fonda za nauku Republike Srbije:

- Program za podršku projektima iz oblasti veštačke inteligencije
- Zeleni program saradnje nauke i privrede – II faza

Tom prilikom, naši predstavnici su se uverili u značaj strateškog povezivanja nauke i privrede, kao i u mogućnosti koje ovi programi otvaraju za buduće projekte i istraživače.

Studentice UNINP-a uspješno završile Erasmus+ razmjenu u Istanbulu

Studentice Univerziteta u Novom Pazaru, Eman Redžepović i Nejla Fijuljanin, sa Departmana za ekonomske i računarske nauke, uspješno su završile Erasmus+ razmjenu na prestižnom Istanbul Aydin Univerzitetu. Razmjena je trajala od 10. februara do 4. jula 2025. godine.

Tokom petomjesečnog boravka u Istanbulu, Eman i Nejla su pokazale izuzetnu posvećenost akademskim obavezama, ostvarile odlične rezultate i svojim angažmanom dostojno predstavile Univerzitet u Novom Pazaru i kvalitet njegovih studijskih programa.

Ova mobilnost dio je šire strategije Kancelarije za međunarodnu saradnju UNINP-a, koja aktivno radi na širenju međunarodne saradnje i uključivanju studenata i nastavnog osoblja u Erasmus+ projekte širom Evrope.

Internacionalizacija obrazovanja, razmjena znanja, iskustava i kulturnih vrijednosti, ostaju ključni ciljevi razvoja našeg univerziteta.

Ponosni smo na naše studentice i radujemo se budućim međunarodnim uspjesima UNINP zajednice!

Gostujuće profesorice sa Istanbul Aydin Univerziteta u poseti Univerzitetu u Novom Pazaru kroz Erasmus program razmene

U okviru Erasmus+ programa razmene osoblja u visokom obrazovanju, Univerzitet u Novom Pazaru ugostio je dve profesorke sa partnerskog Istanbul Aydin Univerziteta – Meltem Basaran, profesorku sa Departmana za televizijski žurnalizam, i Burcu Kavas, asistentkinju

istraživača na Dizajnu vizuelnih komunikacija. Njihova poseta traje od 7. do 11. jula 2025. godine.

Tokom boravka, gošće će imati priliku da se bliže upoznaju sa radom Univerziteta u Novom Pazaru, njegovim akademskim kapacitetima, infrastrukturuom, nastavnim procesom i međunarodnim aktivnostima. Kancelarija za međunarodnu saradnju Univerziteta srdačno je dočekala predstavnice partnerske institucije, organizovala sastanke i obilaske ključnih organizacionih jedinica.

Profesorke Basaran i Kavas učestvovaće u nizu aktivnosti sa kolegama , uključujući radionice, razmene iskustava iz oblasti medija, televizijskog novinarstva i vizuelnih komunikacija. Ova poseta predstavlja nastavak uspešne saradnje dveju institucija i važan je korak ka daljem jačanju međunarodnih akademskih veza i zajedničkim projektima u oblasti kreativnih industrija i komunikacija.

Univerzitet u Novom Pazaru nastavlja da otvara vrata međunarodnim partnerstvima, stvarajući dinamično akademsko okruženje koje podstiče interkulturalni dijalog i razmenu znanja.

IZVJEŠTAJ O MEĐUNARODNOJ SARADNJI

Kancelarija za međunarodnu saradnju (IRO) Univerziteta u Novom Pazaru (UNP) je u posmatranom periodu od oktobra 2024. do decembra 2025. godine ostvarila značajan napredak u domenu implementacije strateških ciljeva internacionalizacije i pokretanja strateških regionalnih projekata. Aktivnosti su bile usmjerene na konsolidaciju postojećih partnerstava, proširenje globalne mreže saradnje i jačanje institucionalnih kapaciteta kroz efikasno upravljanje međunarodnim projektima.

Glavni cilj uspješno je ostvaren kroz posvećenu realizaciju međunarodnih mobilnosti. Kancelarija je pružila sveobuhvatnu administrativnu i logističku podršku za značajan obim dolazne i odlazne mobilnosti studenata i akademskog osoblja. Ova aktivnost obuhvatila je programe kao što su Erasmus+ Kreditna mobilnost i relevantne bilateralne protokole, čime je direktno doprinijela sticanju međunarodnog iskustva članova akademske zajednice i unaprjeđenju interkulturalnih kompetencija.

U cilju diverzifikacije i jačanja pozicije Univerziteta na međunarodnoj sceni, Kancelarija je bila proaktivno angažovana na potpisivanju novih ugovora o saradnji sa inostranim univerzitetima. Ovi sporazumi postavljaju temelje za dugoročnu akademsku saradnju, uključujući buduće zajedničke istraživačke poduhvate i potencijalno uvođenje udruženih studijskih programa. Strateškim umrežavanjem na relevantnim međunarodnim platformama (poput sajmova visokog obrazovanja), efektivno je proširen geografski obim partnerstava UNP-a.

IRO je ostvarila važan napredak kroz potpisivanje i pristupanje važnih regionalnih i međunarodnih projekata, čime je Univerzitetu obezbeđen pristup eksternim izvorima finansiranja i ekspertizi. Paralelno sa time, Kancelarija je pokazala visok nivo administrativne odgovornosti kroz efikasno pisanje završnih izvještaja prošlih projekata, što je preduslov za transparentnost i nastavak finansiranja. Aktivno se radilo i na prijavljivanju za nove projekte finansirane od strane Evropske unije (EU), sa posebnim fokusom na programe koji podržavaju izgradnju kapaciteta i inovacije u visokom obrazovanju.

Kroz navedeni angažman, Kancelarija za međunarodnu saradnju UNP je dokazala svoju ključnu ulogu u sprovođenju strategije internacionalizacije i jačanju međunarodnog kredibiliteta Univerziteta u Novom Pazaru. Kancelarija za međunarodnu saradnju Univerziteta u Novom Pazaru je od oktobra 2024. pa do danas realizovala brojne projekte i aktivnosti u okviru međunarodne saradnje. Glavni ciljevi ostvareni su kroz realizaciju međunarodnih mobilnosti, potpisivanje novih ugovora o saradnji sa inostranim univerzitetima, potpisivanje i pristupanje važnih regionalnih i međunarodnih projekata, te pisanje završnih izvještaja prošlih projekata i prijavljivanje za nove projekte finansirane od strane Evropske unije(EU).

Na osnovu aktivnosti sprovedenih u periodu od oktobra 2024. do decembra 2025. godine, Kancelarija za međunarodnu saradnju (IRO) Univerziteta u Novom Pazaru realizovala je sledeće ključne aktivnosti:

Realizacija međunarodne mobilnosti

- Sprovođenje odlazne mobilnosti : Operativna realizacija kreditne mobilnosti studenata, nastavnog i nenastavnog osoblja u okviru programa Erasmus+ i bilateralnih programa .
- Sprovođenje dolazne mobilnosti : Organizacija prihvata, logističke podrške i administrativnog procesa za gostujuće studente i akademsko osoblje inostranih univerziteta.

- Organizacija informativnih sesija: Održavanje *Info dana* i radionica za promociju otvorenih konkursa za mobilnost i edukaciju studenata o procedurama aplikacije i priznavanju ispita (ECTS).
- Podrška priznavanju kvalifikacija: Administriranje procesa priznavanja studijskih perioda i ispita realizovanih tokom mobilnosti naših studenata u inostranstvu.
- Učešće na online radionici posvećenoj Erasmus Mundus projektima

Institucionalno umrežavanje i promocija

Univerzitet je imao sljedeće aktivnosti na ovom polju:

- Potpisivanje novih bilateralnih sporazuma: Iniciranje i formalno potpisivanje novih Memoranduma o razumijevanju (MoU) i bilateralnih ugovora o saradnji sa inostranim visokoškolskim ustanovama, kao i sporazuma preko Erasmus + EWP platforme sa ciljem širenja mreže.
- Organizacija tematskih događaja: Priprema i sprovođenje manifestacija posvećenih internacionalizaciji (npr. Erasmus Dani 2025), uključujući panel diskusije sa povratnicima sa mobilnosti.
- Uspostavljanje regionalne saradnje: Finalizacija i implementacija akademskog projekta saradnje sa regionalnim partnerima (projekat sa FCJK na Cetinju tokom leta 2025. juli i avgust projekat EU RBWB-101237767-GAP-101237767).
- Učešće na Sajmu visokog obrazovanja u Istanbulu (Türkiye): Predstavljanje Univerziteta i njegovih međunarodnih programa na specijalizovanim promotivnim događajima (EURIE 2025, četiri radna dana sa sesijama), radi umrežavanja, regrutacije i potpisivanja sporazuma.

Međunarodni sajam visokog obrazovanja EURIE (Eurasia Higher Education Summit), održan u Istanbulu 2025. godine, predstavlja jednu od najvećih i najvažnijih platformi za umrežavanje u evroazijskom regionu, posebno ključnu za uspostavljanje partnerstava sa institucijama iz Turske, Bliskog Istoka Južne i Severne Amerike i Evrope. Učešće Kancelarije za međunarodnu saradnju (IRO) Univerziteta u Novom Pazaru na ovom događaju bilo je strateški motivisano potrebom za konsolidacijom postojećih partnerstava i aktivnom ekspanzijom mreže saradnje.

Održavanje sastanaka sa predstavnicima postojećih partnerskih univerziteta (posebno Erasmus+ partnera). Iniciranje pregovora o potpisivanju novih bilateralnih sporazuma, sa fokusom na institucije koje nude studijske programe komplementarne programima UNP-a. Povećanje međunarodne vidljivosti Univerziteta u regionu Evroazije i predstavljanje akademske ponude potencijalnim studentima i partnerima.

Učešće na konferencijskim sesijama i radionicama posvećenim trendovima u internacionalizaciji, digitalizaciji mobilnosti i menadžmentu projekata finansiranih od strane Evropske unije.

IRO je tokom Sajma realizovala niz intenzivnih aktivnosti koje su dovele do opipljivih rezultata. Sastanci sa partnerskim institucijama (B2B Networking). Održano je više od 20 ciljanih sastanaka sa ključnim zvaničnicima za međunarodnu saradnju.

IRO je potpisala nekoliko pisma namjere sa perspektivnim univerzitetima iz EU zemalja, Turske, Malezije i Singapura, čime su otvoreni putevi za formalizaciju novih Memoranduma o razumijevanju.

Upravljanje projektima i EU finansiranje

- Pristupanje novim projektima: Potpisivanje i formalno pristupanje Univerziteta novim regionalnim i međunarodnim projektima finansiranim iz eksternih izvora (Rhein-Main University of Applied Sciences in Wiesbaden Germany- KA 2).
- Aplikacija za projekte EU: Aktivno pisanje projektnih prijedloga i podnošenje aplikacija za nove cikluse finansiranja Erasmus+ KA projekte i Horizon Europe).
- Podnošenje projektne prijave u okviru programa Horizon Europe u partnerstvu sa Burch univerzitetom u Sarajevu, kao deo konzorcijuma od 17 univerziteta.
- Izvještavanje o završenim projektima: Efikasna priprema, finalizacija i podnošenje svih zahtijevanih narativnih i finansijskih izvještaja za projekte realizovane u prethodnom periodu, čime je obezbeđena usklađenost sa pravilima Evropske unije.
- Monitoring tekućih projekata: Stalni nadzor i koordinacija aktivnosti u tekućim međunarodnim projektima u kojima UNP učestvuje kao partner ili koordinator.
- Završen projekat KA131 2023: Projekat KA131 (2023) uspješno je realizovan. Završni izveštaj je izrađen i blagovremeno dostavljen Fondaciji Tempus, a trenutno se očekuje povratna informacija i zvanična potvrda prihvatanja izveštaja

Potpisivanje ugovora o saradnji: Tokom godine sklopljeni su ugovori sa sledećim inostranim univerzitetima:

- Fakultet za poslovnu ekonomiju i pravo, Bar, Republika Crna Gora (potpisan na EWP platformi)
- Elzican Binali Yildirim University, Republika Turska
- American University of Europe – FON Skopje, Severna Makedonija
- Halic University, Republika Turska
- Bursa Uludag University, Republika Turska
- Hochschule RheinMain University, Nemačka
- Canadian Institute of Technology CIT, Albanija

Projekat KA131 2024:

- Početkom akademske 2024/25. godine, odobren projekat. U okviru projekta odobrena su sredstva u iznosu od 17.185EUR. Dodeljena su namjenska bespovratna sredstva u svrhu prvog prefinansiranja iznosu od 14,385EUR. Predviđene mobilnosti: 2 administrativne, 2 nastavne, 2 studentske za studiranje, 1 studentska za praksu.
- Uspješno realizovana 1 administrativna mobilnost na Bursa Uludag Univerzitetu u Turskoj. Učesnik koji je realizovao mobilnost: Enver Međedović.
- Uspješno realizovana 1 nastavna mobilnost na Rumunsko-Američkom Univerzitetu u sklopu programa gostujućih predavanja. Učesnik koji je realizovao mobilnost: Haris Zogić.
- U ljetnjem semestru akademske 2024/25. godine, u okviru projekta su uspješno realizovane 2 studentske mobilnosti u svrhu studiranja na Istanbul Aydin Univerzitetu u Istanbulu, Republici Turskoj. Učesnici koji su realizovali mobilnost: Eman Redžepović i Nejla Fijuljanin.
- Preostala su sredstva namijenjena budžetskom linijom za 1 mobilnost u svrhu obavljanja nastave i 1 mobilnost u svrhu usavršavanja administrativnog osoblja.
- Dolazeće mobilnosti: Kancelarija za međunarodnu saradnju Univerziteta u Novom Pazaru je i ove godine uspješno realizovala dolazeće mobilnosti u okviru Erasmus+ programa i šire. Dolazećim studentima je takođe pružena kako jezička tako i administrativna podrška

oko izbora predmeta, regulisanja boravka, kontakta sa profesorima i polaganja ispita. Institucije sa kojih su gostujući studenti proveli semestar na Univerzitetu su:

- Bartin Univerzitet, Republika Turska (3studenta) (Engleski jezik)

Kancelarija za međunarodnu saradnju Univerziteta u Novom Pazaru uspješno je realizovala planirane aktivnosti u 2024/25. godini, doprinoseći razvoju međunarodne saradnje i mobilnosti studenata i osoblja. Potpisivanje novih ugovora o saradnji i učešće u međunarodnim projektima dodatno je ojačalo poziciju Univerziteta na međunarodnoj sceni. Očekuje se nastavak pozitivnih trendova u međunarodnoj saradnji i u 2026. godini, sa posebnim fokusom na realizaciju planiranih projekata, i odlaznih i dolaznih mobilnosti.

Potpisan sporazum o saradnji sa Islamskim univerzitetom Premalang iz Indonezije

Naš univerzitet imao je čast ugostiti delegaciju Islamskog univerziteta Pemalang iz Indonezije, predvođenu rektoricom dr. Emirom Mensur.

Razgovori su bili usmjereni na unapređenje međunarodne saradnje i razmjenu znanja, a potpisivanje sporazuma o partnerstvu označilo je početak nove akademske priče.

Radujemo se budućim zajedničkim projektima i prilici da zajedno gradimo mostove znanja i inovacija!

Finansijski menadžer Univerziteta u Novom Pazaru, mr ekon. Haris Zogić, učestvovao je na Međunarodnoj sedmici nastave (International Teaching Week) na Rumunsko-američkom univerzitetu u Bukureštu.

U okviru Erasmus+ programa razmjene nastavnog osoblja, Zogić je imao čast da boravi u Bukureštu, gdje je održao predavanja studentima smjera Finansije i bankarstvo, te predstavio Univerzitet u Novom Pazaru učesnicima iz brojnih zemalja širom svijeta.

Tokom događaja ostvarena je značajna razmjena znanja i iskustava sa profesorima iz Rumunije, Turske, Gruzije, Portugala, Španije, Kazahstana i drugih zemalja.

Kroz interaktivna predavanja, diskusije o savremenim metodama nastave i jačanje međunarodne saradnje, dodatno je promovisana uloga Univerziteta u Novom Pazaru na evropskoj akademskoj sceni.

Delegacija iz Novog Pazara na međunarodnoj konferenciji u Abu Dhabiju o suživotu i zajedničkim vrijednostima

Na prestižnoj međunarodnoj konferenciji pod nazivom “Citizenship, Identity and Shared Values of Coexistence”, koja se održava u Abu Dhabiju u organizaciji Muhammed bin Zayed Univerziteta za humanističke nauke, učešće je uzela i visoka delegacija iz Novog Pazara, predvođena muftijom Mevludom Dudićem, rektorom Univerziteta u Novom Pazaru prof. dr Suadom Bećirovićem, i dekanom Fakulteta za islamske studije prof. dr Enverom Omerovićem.

Prisustvo delegacije iz Novog Pazara rezultat je potpisanog ugovora o saradnji između Univerziteta u Novom Pazaru i Muhammed bin Zayed Univerziteta, koji već daje konkretne plodove u vidu zajedničkih naučnih i kulturnih aktivnosti.

Tokom konferencije, koja okuplja ugledne naučnike, vjerske i društvene lidere iz cijelog svijeta, delegacija iz Novog Pazara imala je brojne značajne susrete sa predstavnicima akademskih i vjerskih institucija iz regiona i svijeta. Posebno je istaknuta potreba za daljim razvijanjem zajedničkih istraživanja kao i studentskih i profesorskih razmjena.

Posjeta Abu Dabiju predstavlja značajan korak u internacionalizaciji univerziteta i jačanju veza sa relevantnim akademskim institucijama u svijetu.

Erasmus+ posjeta profesora sa International Vision University Univerzitetu u Novom Pazaru

U okviru programa Erasmus+, Univerzitet u Novom Pazaru je ugostio profesore sa International Vision University iz Republike Sjeverne Makedonije – Prof. dr Aybeyan Selim, dekana Fakulteta inženjerstva i arhitekture, kao i prof. dr Ilker Ali sa odsjeka za računarsko inženjerstvo.

Goste je u Kancelariji za međunarodnu saradnju primio prof. dr Ergin Hakić, koordinator za međunarodnu saradnju UNINP, zajedno sa saradnikom Nedimom Pašovićem, mast. filol. Tokom prijema razgovarano je o produbljivanju saradnje između dva univerziteta, kao i o zajedničkim budućim projektima i razmjeni nastavnog i administrativnog osoblja.

Nakon toga, upriličen je i prijem u Rektoratu, gdje su goste dočekali prof. dr Muzafer Saračević, prorektor za nastavu, prof. dr Enver Međedović, generalni menadžer Univerziteta i doc. dr Dženis Bajramović, rukovodilac Departmana za ekonomske i računarske nauke.

U okviru ove posjete, prof. dr Aybeyan Selim je održao tematsko predavanje u amfiteatru Univerziteta. Tema predavanja je „Performance and security analysis of classical and modern cryptographic algorithms“, koje je bilo otvoreno za sve studente i zaposlene.

Ova posjeta predstavlja još jedan korak ka jačanju međunarodne saradnje Univerziteta u Novom Pazaru i doprinosi unapređenju akademske razmjene i naučno-istraživačke djelatnosti.

Delegacija UNP-a na Rektorskoj konferenciji Alpe Jadran u Đeru

Delegacija Univerziteta u Novom Pazaru, predvođena rektorom prof. dr Suadom Bećirovićem i koordinatorom za međunarodnu saradnju, prof. dr Erginom Hakićem, učestvovala je na godišnjoj skupštini Rektorske konferencije Alpe Jadran, održanoj na Univerzitetu u Đeru, Mađarska.

Skupština je bila prilika za razmjenu iskustava i dogovor o daljoj saradnji među univerzitetima članicama. Usvajene su važne odluke koje će unaprijediti akademsku saradnju i podršku studentima i istraživačima:

- Prijem novih članova – proširenje mreže i jačanje regionalne saradnje
- Konkurs za najbolje master i doktorske radove – podsticaj izvrsnosti u nauci
- Finansijska podrška doktorandima – pomoć u pisanju disertacija i unapređenje istraživačkog rada
- Učešće doktoranata na međunarodnoj konferenciji u Đeru – predstavljanje radova i umrežavanje sa kolegama iz inostranstva

Univerzitet u Novom Pazaru, član Konferencije od 2015. godine, kontinuirano doprinosi njenom razvoju. Učešće na ovom skupu potvrđuje posvećenost UNP-a internacionalizaciji i jačanju svoje pozicije u evropskom obrazovno-naučnom prostoru.

Novo poglavlje za međunarodnu saradnju: Univerzitet u posjeti Rumunsko-američkom univerzitetu

Delegacija našeg Univerziteta, predvođena rektorom prof. dr Suadom Bećirovićem i koordinatorom za međunarodnu saradnju prof. dr Erginom Hakićem, posjetila je ugledni Rumunsko-američki univerzitet u Bukureštu.

Cilj posjete bio je jačanje međunarodne saradnje i istraživanje novih mogućnosti partnerstva.

U sklopu posjete, naši su predstavnici učestvovali na okruglom stolu o međunarodnoj saradnji, gdje su se okupili učesnici iz čak 19 zemalja, od SAD-a do Kazahstana! Ova je platforma omogućila razmjenu ideja i iskustava sa akademikima iz cijelog svijeta, što je rezultiralo dogovorima o saradnji sa različitim univerzitetima.

Posebno plodonosan bio je sastanak sa rektorom, prorektorima i dekanima Rumunsko-američkog univerziteta. Tokom ovog detaljnog razgovora analizirane su mogućnosti produbljivanja saradnje u okviru nastavnih i naučno-istraživačkih projekata.

Vjerujemo da će ova posjeta otvoriti vrata mnogim uspješnim zajedničkim inicijativama u budućnosti!

IZVJEŠTAJ O AKTIVNOSTIMA DEPARTMANA

Departman za ekonomske i računarske nauke

Departman za ekonomske i računarske nauke nudi studijske programe iz oblasti ekonomskih i računarskih nauka na osnovnim, master i doktorskim studijama.

Departman za ekonomske i računarske nauke nudi studentima visokokvalitetno obrazovanje koje ih priprema za uspješnu karijeru u dinamičnom svijetu poslovanja i informacionih tehnologija. Kroz teorijsku nastavu i praktične vježbe, studenti stiču znanja i vještine neophodne za analizu ekonomskih podataka, donošenje poslovnih odluka, razvoj softverskih aplikacija i upravljanje informacionim sistemima.

Trenutno se na departmanu nude sljedeći programi na osnovnim akademskim studijama:

- Poslovna ekonomija
- Poslovna informatika
- Informatika

Na master akademskim studijama se nude sljedeći programi:

- Poslovna ekonomija
- Informatika

Diplomci departmana za ekonomske i računarske nauke su traženi na tržištu rada. Stečeno znanje i vještine omogućavaju im da se zaposle u različitim kompanijama, od malih preduzeća do velikih korporacija. Moguće pozicije uključuju ekonomiste, finansijske analitičare, konsultante, programere, IT menadžere i druge.

Pored obrazovnih aktivnosti, departman za ekonomske i računarske nauke aktivno se bavi naučnim istraživanjima u oblastima od interesa za privredu i društvo. Nastavnici i istraživači na departmanu objavljuju naučne radove u vodećim međunarodnim časopisima i učestvuju na međunarodnim konferencijama.

Uslijed toga, Departman za ekonomske i računarske nauke nudi dva akreditovana studijska programa na doktorskim studijama, i to:

- Poslovna ekonomija
- Informatika

Na Univerzitetu u Novom Pazaru održano gostujuće predavanje na temu “Zaštita web aplikacija”

Gostujuće predavanje je održao gospodin Irfan Mulić, stručnjak za IT bezbjednost iz renomirane američke kompanije ServiceNow. Na predavanju pod nazivom “Zaštita web aplikacija”, gospodin Mulić je podijelio svoje bogato međunarodno iskustvo, uključujući rad sa stručnjacima iz kompanija poput Google-a i OpenAI-a, kao i svoju ulogu glavnog inženjera u inovativnom startapu Sentrion.

Interaktivni format predavanja omogućio je studentima da kroz primjere iz prakse saznaju više o ključnim izazovima i rješenjima u oblasti IT bezbjednosti. Učesnici su imali priliku da postavljaju pitanja i dobiju savjete od stručnjaka koji je jedan od lidera u ovoj industriji.

Zahvaljujemo se gospodinu Muliću na inspirativnom predavanju i korisnim uvidima. Ovakvi događaji pokazuju koliko je važno povezivanje teorijskog znanja s praktičnim iskustvima.

Univerzitet u Novom Pazaru i Infostud postigli su dogovor koji otvara vrata vašem profesionalnom razvoju i olakšava put ka zaposlenju.

Ovaj sporazum predstavlja jedinstvenu priliku za sve naše studente koji žele da zakorače na tržište rada i pronađu posao u svojoj struci.

Šta vam ovaj sporazum donosi?

Pristup oglasima za poslove u krugu od 50 km – idealno za one koji žele raditi u svom okruženju.

Mogućnost pretrage poslova prema kvalifikacijama i interesovanjima.

Direktnu povezanost sa poslodavcima koji traže mlade, obrazovane i talentovane kadrove.

Zašto je ovo važno?

Ova saradnja predstavlja most između akademskog znanja koje ste stekli i praktičnih iskustava koja ćete dobiti na tržištu rada.

Kako se uključiti?

Skenirajte QR kod ili posjetite link <http://localhost/wordpress/poslovi-infostud/> i pretražite poslove, gdje ćete pronaći poslodavca, njihove informacije, kao i kontakt.

UniHub – Prvi inovacioni inkubator na Univerzitetu u Novom Pazaru!

Novi Pazar, 8. februar 2025. – Univerzitet u Novom Pazaru uskoro postaje centar inovacija i preduzetništva zahvaljujući otvaranju prvog inovacionog inkubatora – UniHub.

Ovaj značajan projekat podržao je Fond za inovacionu djelatnost Republike Srbije, čime su obezbjeđena sredstva za realizaciju jedinstvenog prostora namijenjenog mladim inovatorima i preduzetnicima.

UniHub nastaje u saradnji sa Fakultetom organizacionih nauka Univerziteta u Beogradu (FON), a inicijativa za njegovo osnivanje pokrenuta je u decembru 2024. godine.

Ovaj inkubator omogućit će studentima, istraživačima i mladim preduzetnicima da razvijaju svoje poslovne ideje, pokreću startup-ove i plasiraju inovativne proizvode i usluge na tržište.

Šta UniHub donosi?

- Podršku za tehnološke inovacije kroz pristup savremenim alatima i mentorstvu.
- Razvoj preduzetničkih ideja uz stručnu podršku i resurse.
- Povezivanje sa mentorima i ekspertima iz oblasti biznisa i inovacija.

Očekuje se da će UniHub imati značajan uticaj na razvoj preduzetništva i inovacija ne samo u Novom Pazaru, već i u okolnim gradovima – Tutin, Sjenica, Raška i Rožaje.

Uspješno je održano gostujuće predavanje Edina Mehića na Univerzitetu u Novom Pazaru

Danas smo imali priliku da ugostimo Edina Mehića, jednog od najistaknutijih preduzetnika, “anđeoskog investitora” i mentora u regionu. Kroz inspirativno predavanje na temu “Finansiranje startupova na Balkanu i njihova šansa na međunarodnom tržištu”, studenti i prisutni su dobili dragocjene uvide o preduzetništvu, investiranju i izazovima na globalnom tržištu.

Atmosfera je bila inspirativna, a studenti su s velikim interesovanjem postavljali pitanja, kako bi saznali više o pokretanju startupova, privlačenju investicija i međunarodnom poslovanju. Mehić je podijelio svoje bogato iskustvo, govorio o ključnim faktorima uspjeha i ohrabrio mlade preduzetnike da hrabro slijede svoje ideje.

Zahvaljujemo se Edinu Mehiću na izdvojenom vremenu i inspirativnim porukama, kao i svima koji su prisustvovali ovom događaju!

Na Univerzitetu u Novom Pazaru održano je treće po redu takmičenje Biznis izazov 2025, koje je i ove godine okupilo studente iz više gradova i fakulteta širom Srbije

Ukupno 10 timova takmičilo se sa svojim biznis idejama, rješenjima i vizijama. Pokazali su da timski rad, kreativnost i znanje mogu biti dobitna kombinacija za uspjeh!

Stručni žiri imao je nimalo lak zadatak da odabere najbolje:

Edin Mehić – uspješni investitor iz Bosne i Hercegovine

Admir Dudić – preduzetnik i bivši student Univerziteta u Novom Pazaru

Dženis Bajramović – rukovodilac Departmana za ekonomske i računarske nauke

POBJEDNICI SU:

1. mjesto (70.000 RSD)

Tim:

- o Sabrija Ćiriković (Poslovna informatika, 2. god)
- o Belkisa Tmušić (Poslovna ekonomija, 2. god)
- o Rumejsa Destanović (Poslovna ekonomija, 1. god)
- o Mustafa Rebronja (Poslovna ekonomija, 2. god)

Univerzitet u Novom Pazaru

2. mjesto (35.000 RSD)

Tim: Visionari

- o Anastasija Stanković
- o Marko Opsenica
- o Petra Stojiljković
- o Aleksandar Ilić

Fakultet za projektni i inovacioni menadžment

3. mjesto (18.000 RSD)

Tim: Ozbiljne Glave

- o Hasan Mujanović
- o Fatih Lukarčanin

Državni univerzitet u Novom Pazaru

Organizatori su se zahvalili svim učesnicima, publici, komisiji, kao i sponzoru događaja – Kabinetu Ministra za pomirenje, regionalnu saradnju i društvenu stabilnost, Usami Zukorliću, koji je i ove godine podržao ovu važnu inicijativu usmjerenu ka osnaživanju mladih u preduzetništvu.

Rektor Univerziteta u Novom Pazaru, prof. dr. Suad Bećirović, istakao je važnost ovakvih događaja za razvoj preduzetničkog duha i podsticanje kreativnog razmišljanja kod studenata.

Univerzitet u Novom Pazaru bogatiji je za revolucionarnu tehnologiju – stigle su VR naočale MetaQuest 128 GB

Univerzitet u Novom Pazaru bogatiji je za revolucionarnu tehnologiju – stigle su VR naočale MetaQuest 128 GB zahvaljujući velikodušnoj donaciji Almira Brljaka i kompanije Sinn Studio Inc. iz Kanade i SAD-a!

Rektor Univerziteta u Novom Pazaru, prof. dr. Suad Bećirović se zahvalio na donaciji gospodinu Almiru Brljaku i ističe važnost činjenice da: „Ova tehnologija otvara vrata brojnim mogućnostima – od naučnih istraživanja i savremene edukacije i poboljšanje kvaliteta života građana. Novi Pazar postaje prepoznatljiv kao centar inovacija i digitalne budućnosti.“

Almir Brljak već godinama širi granice virtuelne stvarnosti kroz XR projekte širom svijeta, ali, kako kaže, nikada nije zaboravio regiju iz koje potiče: „Uvijek sam osjećao odgovornost jer Balkan zaostaje u tehnologiji koja definiše budućnost. Zato sam sretan što mogu podržati Univerzitet u Novom Pazaru i pomoći u stvaranju prostora gdje studenti mogu učiti, istraživati i stvarati.“

Rukovodilac Departmana za ekonomske i računarske nauke, doc. dr. Dženis Bajramović, ističe: „Donacija ove vrijedne opreme nije samo tehnološki iskorak – to je signal studentima da budu hrabri, da istražuju, programiraju i grade sopstvene VR aplikacije. Već radimo na projektima u okviru našeg inkubatora UniHub Inn, a sljedeći ciljevi su 3D štampač i robotske ruke”

Na Univerzitetu u Novom Pazaru svečano potpisan sporazum o saradnji između Univerziteta i kompanije ART Computers

Sporazum su potpisali rektor Univerziteta u Novom Pazaru prof. dr. Suad Bećirović i osnivač i direktor Art Computers-a Erkin Kačapor.

Ovim sporazumom omogućeno je korišćenje ACIS informacionog sistema (ERP rješenja razvijenog od strane ART Computers-a) u nastavi na predmetima Finansijsko računovodstvo i Upravljačko računovodstvo, čime studenti stiču dragocjena praktična znanja iz realnog poslovnog okruženja.

Ovaj događaj je samo jedan u nizu koraka koji potvrđuju strateško opredjeljenje Univerziteta u Novom Pazaru da studentima, pored teorijskog znanja, obezbijedi i konkretne vještine i kompetencije potrebne za tržište rada.

Univerzitet ostaje posvećen povezivanju sa privredom i razvoju kadrova spremnih za izazove savremenog poslovanja.

Na Univerzitetu u Novom Pazaru održano inspirativno gostujuće predavanje na temu „Finansiranje mladih preduzetnika i novih projekata kroz Fond za razvoj Republike Srbije“

Na Univerzitetu u Novom Pazaru održano inspirativno gostujuće predavanje na temu „Finansiranje mladih preduzetnika i novih projekata kroz Fond za razvoj Republike Srbije“, koje je održao direktor filijale Fonda u Novom Pazaru, gospodin Eldin Mašović

Studenti su s velikim interesovanjem pratili izlaganje i aktivno učestvovali u diskusiji, postavljajući pitanja o mogućnostima pokretanja sopstvenog biznisa i podršci koju Fond nudi mladima.

Zahvaljujemo se gospodinu Mašoviću na izdvojenom vremenu i korisnim savjetima, kao i doc. dr. Dženisu Bajramoviću na stručnom osvrtu i podršci realizaciji ovog događaja.

Na Univerzitetu u Novom Pazaru održan je drugi po redu Hackathon

Na Univerzitetu u Novom Pazaru svečano je otvoren drugi po redu Hackathon, koji okuplja talentovane mlade ljude s ciljem razvoja inovativnih tehnoloških rješenja

Na otvaranju su se obratili rektor Univerziteta, prof. dr. Suad Bećirović, predstavnik Grada Novog Pazara, Denisa Curić, kao i predstavnik kompanije BitConex Dalila Pramenković, koji su istakli značaj saradnje, digitalne transformacije i podrške mladima u domenu IT sektora.

Učesnicima je predstavljen izazov koji treba da riješe u roku od 24 sata, a koji zahtijeva timski rad, kreativnost i primjenu znanja iz različitih oblasti.

Takmičenje je zvanično počelo – želimo puno uspjeha svim timovima!

Nakon 24 sata intenzivnog rada, stručna komisija je ocijenila rješenja i proglasila najbolje ekipe:

1. Prvo mjesto: Second Attempt
2. Drugo mjesto: Astra
3. Treće mjesto: Andalous

Posebnu zahvalnost upućujemo organizatorima i studentima koji su u potpunosti organizovali ovaj događaj – vaš trud, predanost i profesionalnost bili su ključ uspjeha Hackathona! Čestitamo pobjednicima i želimo svima puno uspjeha u budućim izazovima!

Na Univerzitetu u Novom Pazaru uspješno održan događaj posvećen vještačkoj inteligenciji

Univerzitet u Novom Pazaru bio je domaćin promocije knjige “AI Journey” autora Suada Seferija, stručnjaka za sajber bezbjednost i entuzijaste u oblasti vještačke inteligencije.

Na promociji, održanoj u Okrugloj sali Univerziteta, Suad Seferi govorio je o svom profesionalnom iskustvu, važnosti dostupnosti AI tehnologija, te izazovima i prilikama koje one donose.

Nakon promocije, organizovane su i dvije radionice za profesore i studente različitih departmana:

- “AI in Finance: Intelligence That Works With You” za ekonomske i računarske nauke,
- “Who Creates When AI Does?” za umjetnost i filološke nauke.

Događaj je okupio studente, profesore i saradnike, koji su kroz interaktivne diskusije imali priliku da postavljaju pitanja i razmjenjuju mišljenja o ulozi vještačke inteligencije u savremenom društvu.

Zahvaljujemo se Suadu Seferiju na inspirativnim predavanju, kao i svima koji su učestvovali i svojim prisustvom dali doprinos ovom važnom događaju!

Posjeta studenata Univerziteta u Novom Pazaru kompaniji Peštan

Studenti prve godine studijskog programa Poslovna ekonomija imali su priliku da posjete jednu od najuspješnijih domaćih kompanija – Peštan iz Arandjelovca, koja danas ostvaruje prihod veći od 145 miliona eura, izvozi u preko 80 zemalja, uključujući SAD i Kinu, i zapošljava oko 1.200 radnika.

Dočekali su ih Dejan Ilić, rukovodilac službe Visokogradnje, i Vladan Ignjatović, predstavnik prodaje istog sektora. Studenti su najprije obišli savremeni B2B showroom, zatim i proizvodne pogone koji se prostiru na čak 45 hektara. Imali su uvid u primjenu SAP ERP sistema za upravljanje zalihama i prodajom, kao i rad laboratorije za kontrolu kvaliteta – ključnog faktora uspjeha na međunarodnim tržištima.

Poseban utisak ostavila je robotizovana proizvodnja cijevi, kao i posvećenost kompanije ESG standardima – uključujući ulaganje u solarne panele snage 9 MWh, što pokriva čak 28% potreba za električnom energijom.

Na kraju, studenti su prisustvovali prezentaciji o razvoju i planovima ove kompanije, osjetivši istinsku kulturu srdačnosti i profesionalizma u srcu Šumadije.

Održana promocija knjige „Zašto narodi propadaju“ na Univerzitetu u Novom Pazaru

U okviru Festivala knjige, na Univerzitetu u Novom Pazaru 13. maja 2025. godine održana je promocija svjetski poznatog djela „Zašto narodi propadaju – Porijeklo moći, prosperiteta i siromaštva“ autora Daron Acemoglua i Jamesa A. Robinsona. Knjiga, koja je dobila priznanja širom svijeta, uključujući i Nobelovu nagradu, proglašena je jednim od najutjecajnijih naslova o političko-ekonomskim razlozima uspjeha i neuspjeha država, privukavši veliki broj studenata, profesora i građana.

Promocija je održana u Okrugloj sali Univerziteta. O djelu su govorili:

- prof. dr. Suad Bećirović, rektor Univerziteta u Novom Pazaru

- Admir Čavalić, ekonomista i zastupnik u Predstavničkom domu Parlamenta Federacije BiH
- Safet Imamović, ekonomista i zastupnik u Skupštini Brčko distrikta BiH

Učesnici su istakli kako knjiga na jednostavan i argumentovan način objašnjava zašto pojedine zemlje prosperiraju, dok druge ostaju zarobljene u siromaštvu i nestabilnosti, oslanjajući se na institucionalni okvir kao ključ razvoja. Naglašeno je da ovakva literatura ima posebnu vrijednost za mlade ljude u regionu koji žele razumjeti uzroke društveno-ekonomskih izazova i aktivno doprinositi promjenama.

Univerzitet u Novom Pazaru ovom promocijom još jednom potvrđuje svoju posvećenost otvaranju prostora za razgovore o savremenim društvenim temama i promovisanju znanja koje nadilazi akademske okvire.

Održana radionica “Pokreni svoju karijeru” – put ka profesionalnom uspjehu

Na Univerzitetu održana je radionica “Pokreni svoju karijeru” koju je vodio Elvir Muslić, softverski inženjer u kompaniji SEON, s bogatim iskustvom rada u kompaniji Siemens.

Studenti različitih departmana imali su priliku da kroz interaktivno i praktično predavanje saznaju kako se uspješno pripremiti za tržište rada. Cilj radionice bio je da ih osnaži i obuci za apliciranje na poslove – od pisanja profesionalnog CV-ja do prezentacije na razgovorima za posao.

Kroz konkretne primjere i savjete iz prakse, Elvir Muslić je studentima približio izazove i mogućnosti koje ih očekuju u profesionalnom svijetu.

Poseban segment radionice bila je mogućnost izrade profesionalnih fotografija za CV ili LinkedIn profil – jer prvi utisak često počinje upravo vizualno.

Zahvaljujemo Elviru Musliću na inspirativnom predavanju i svim studentima na aktivnom učešću!

Delegacija Univerziteta u Novom Pazaru na Forumu naprednih tehnologija “Techmomentum”

Delegacija Univerziteta u Novom Pazaru, u sastavu rektora prof. dr Suada Bećirovića i rukovodioca departmana doc. dr Dženisa Bajramovića, uspješno je učestvovala na ovogodišnjem Forumu naprednih tehnologija “Techmomentum”, koji je organizovao Naučno-tehnološki park Niš.

Forum Techmomentum okupio je brojne stručnjake, inovatore i predstavnike akademske zajednice iz zemlje i regiona, pružajući platformu za razmjenu znanja i iskustava u oblasti najnovijih tehnoloških dostignuća.

Tokom foruma, predstavnici Univerziteta u Novom Pazaru imali su priliku da prisustvuju nizu korisnih predavanja i panel diskusija, koje su obuhvatile teme poput:

- vještačke inteligencije
- digitalizacije
- robotike
- inovativnih rješenja u različitim industrijama

Poseban naglasak stavljen je na praktičnu primjenu naprednih tehnologija i njihov uticaj na razvoj društva i ekonomije.

Pored toga, delegacija je ostvarila niz korisnih sastanaka sa predstavnicima drugih univerziteta, istraživačkih institucija i kompanija, a posebno sa rukovodstvom NTP Niš. Ovi sastanci bili su izuzetna prilika za uspostavljanje novih kontakata, razmjenu ideja i potencijalno otvaranje vrata za buduću saradnju na projektima od zajedničkog interesa.

Učešće na ovakvom događaju doprinosi pozicioniranju Univerziteta u Novom Pazaru kao aktivnog činioca u oblasti nauke i tehnologije, te jačanju veza sa privredom i akademskom zajednicom. Sticanje uvida u najnovije trendove i tehnologije svakako će koristiti za dalji razvoj nastavnih programa i istraživačkih aktivnosti na Univerzitetu.

Svečana dodjela certifikata za obuke iz Java programiranja i SQL baza podataka u saradnji sa Oracle-om

Na Univerzitetu u Novom Pazaru danas je održana svečana dodjela certifikata polaznicima koji su uspješno završili obuke iz oblasti Java programiranja i SQL baza podataka, realizovanih u saradnji s globalnom IT kompanijom Oracle.

Obraćajući se prisutnima, prorektor za nastavu prof. dr. Muzafer Saračević istakao je važnost savremenih IT znanja za tržište rada i pohvalio trud i posvećenost svih učesnika obuka. Prisutnima se obratio i rukovodilac Departmana za ekonomske i računarske nauke doc. dr. Dženis Bajramović, naglasivši značaj kontinuiranog profesionalnog razvoja i saradnje sa vodećim tehnološkim kompanijama.

Oracle, kao jedan od najvećih svjetskih proizvođača softverskih rješenja, prepoznat je po razvoju naprednih baza podataka i cloud tehnologija koje se koriste širom svijeta. Kroz ovu saradnju, polaznicima su omogućeni kvalitetni treninzi iz dvije ključne oblasti: Java programiranja – jezika čiji je vlasnik upravo Oracle, i SQL baza podataka – temelja savremenog poslovanja i upravljanja podacima.

Certifikati koji su danas dodijeljeni predstavljaju međunarodno priznate dokaze znanja i vještina, čime se otvaraju brojne profesionalne prilike za sve polaznike.

Svečanu dodjelu certifikata uveličali su prorektor prof. dr. Saračević i doc. dr. Bajramović, koji su i uručili priznanja prisutnim polaznicima.

Univerzitet nastavlja sa aktivnostima koje studentima i drugim učesnicima pružaju dodatne kompetencije i povezuju ih s praksom i realnim poslovnim okruženjem.

Univerzitet u Novom Pazaru na Route2Launch događaju

Na poziv FON-a i prof. dr. Milana Okanovića, Rukovodilac departmana za ekonomske i računarske nauke doc. dr. Dženis Bajramović i asistent mast. inf. Imran Jukić, povelili su pobjednike Hackathona 2025 Univerziteta u Novom Pazaru – Hamza Gorčević, Merisa Beširović i Samir Talović. Pobjednici Hackathona 2025, imali su priliku da predstavljaju svoju inovativnu ideju na prestižnom događaju „Route2Launch“ General Rehearsal, održanom 18. juna na FON-u.

Potom su u kompaniji HTEC, jednoj od vodećih IT firmi u regionu sa godišnjim prometom od 250 miliona dolara i 2000 zaposlenih širom sveta, imali priliku za razmenu ideja i iskustava sa vlasnikom Aleksandrom Čabrilom.

U okviru akademskog startup branča, studenti su pitchovali (prezentovali) svoju ideju pred stručnom komisijom koju su činili predstavnici FON-a. Dobili su dragocene feedback-e i savete od profesora i IT stručnjaka, što im je omogućilo da bolje razumeju proces startup razvoja i prezentacije ideja pred investitorima.

Na događaju su razmenjene ideje sa članom nove organizacije “Fabrika Inovacija” (Innovation Factory) Tadejom Kurepom i već uspostavljena saradnja na nekim bitnim aktivnostima za ekosistem. Innovation Factory je novo telo koje je nastalo od članova Privredne komore – odseka za digitalnu transformaciju, NTP Niša i Data Centra Kragujevac.

Učešće na ovom događaju dodatno je osnažilo saradnju Univerziteta u Novom Pazaru sa nacionalnim inovacionim partnerima i otvorilo vrata za buduće inovacione projekte i mentorstva.

Dodela sertifikata za polaznike Osnovnog kursa računovodstva

Danas je na Univerzitetu u Novom Pazaru održana svečana dodela sertifikata za polaznike Osnovnog kursa računovodstva: Program za sticanje praktičnih kompetencija iz finansijskog računovodstva

Ovaj program je osmišljen kako bi polaznicima pružio praktične kompetencije iz finansijskog računovodstva, kroz:

- Interaktivna predavanja
- Praktične radionice
- Rad na realnim poslovnim primerima u okviru ACIS sistema kompanije Art Computers

Uskoro nov kurs naprednih znanja iz računovodstva namenjen zaposlenima i privrednicima.

Čestitamo svim učesnicima na uspešno završenom kursu!

Održana promocija knjige „Uvod u islamsko osiguranje – Tekaful“ na Univerzitetu u Novom Pazaru

Na Univerzitetu u Novom Pazaru je u svečanoj atmosferi održana promocija knjige „Uvod u islamsko osiguranje – Tekaful“ autora prof. dr. Ediba Smola. Ovaj događaj privukao je brojne akademske radnike, studente i privrednike zainteresovane za alternativne modele finansiranja i osiguranja.

Prisutnima se prvi obratio rektor Univerziteta u Novom Pazaru, prof. dr. Suad Bećirović, koji je istakao važnost ovakvih publikacija za akademsku zajednicu i širu društvenu zajednicu. On je naglasio da modeli poput Tekafula predstavljaju itekako opravdan koncept u savremenim ekonomijama, posebno u kontekstu traženja pravednijih i održivijih finansijskih rešenja.

Potom se obratio mast. ekon. Haris Zogić, koji je u svom izlaganju govorio o investicijskim potencijalima Tekaful modela, te o mogućnostima njegove implementacije unutar postojećih zakonskih okvira. Posebno je istakao da Tekaful može biti atraktivan instrument za razvoj tržišta kapitala i dodatno diverzifikovanje investicionih portfolija.

Na kraju, prisutnima se obratio i autor knjige, prof. dr. Edib Smolo, koji je predstavio motive i ciljeve pisanja ove publikacije. Naglasio je da knjiga nastoji približiti koncept islamskog osiguranja ne samo stručnoj, nego i široj javnosti, te otvoriti vrata za dalja istraživanja i praktične inicijative u ovom polju.

Na promociji je istaknuto da Univerzitet u Novom Pazaru kontinuirano radi na promociji islamskih finansija, te da će i ove godine u oktobru biti organizovana međunarodna konferencija sa temom Islamske moralne ekonomije i finansija koja će okupiti najpriznatije svjetske stručnjake iz ove oblasti.

Departman za pravne nauke

Departman za pravne nauke nudi studijske programe iz oblasti pravnih nauka. Naši studenti stiču temeljna znanja iz svih područja prava, od ustavnog i međunarodnog do građanskog i kaznenog prava. Uz to, naši nastavnici su aktivni u naučno-istraživačkom radu, što osigurava da studenti budu upoznati s najnovijim trendovima i izazovima u pravnoj znanosti.

Trenutno se na departmanu nudi studijski program osnovnih akademskih studija “Pravo” sa dva modula:

- Opšte pravo
- Pravo unutrašnjih poslova

Na master akademskim studijama se nudi studijski program “Pravo” sa ovim modulima:

- Opšte pravo
- Pravo unutrašnjih poslova

Diplomci našeg Departmana su traženi na tržištu rada. Naši studenti su spremni za rad u različitim pravnih područja, kao što su tužilaštvu, sudstvo, državna uprava, poduzeća i međunarodne organizacije. Zahvaljujući našem sveobuhvatnom nastavnom planu i programu, naši studenti su opremljeni znanjem i vještinama potrebnim za uspješan profesionalni razvoj.

Posjeta Forenzičkom centru Crne Gore u Danilovgradu

Departman za pravne nauke u okviru stručne prakse realizovao posjetu forenzičkom centru Crne Gore u Danilovgradu, gdje su se studenti upoznali sa radom forenzičkog centra, tokom koje su od strane rukovodica odjeljenja bili upoznati sa radom balističkog, hemijskog, daktiloskopskog, mehanoskopskog, kao i DNK odjeljenja.

Studentima je dobrodošlicu poželjela načelnica Forenzičkog centra Crne Gore dr. Sandra Kovačević koja je održala prigodno predavanje studentima.

Delegacija Univerziteta, koju se predstavljali rektor Univerziteta prof. dr. Suad Bećirović, gen. menadžer prof. dr. Enver Međedović, rukovodilac Departmana za pravne nauke prof. dr. Ergin Hakić i prof. dr. Aleksandar Ivanović je imala konstruktivne razgovore sa predstavnicima forenzičkog centra i dogovorili dalju saradnju na stručno-edukativnom planu.

Okrugli sto: “Društvo jednakih šansi – put ka socijalnoj pravdi”

20. februara 2025. godine je na Univerzitetu u Novom Pazaru, povodom Međunarodnog dana socijalne pravde, održan okrugli sto u organizaciji Departmana za pravne nauke. Ovaj dan, koji se širom svijeta obilježava 20. februara, podsjeća na važnost smanjenja društvenih nejednakosti, borbe protiv siromaštva i osiguranja jednakih mogućnosti za sve članove društva. Cilj je jačanje solidarnosti i stvaranje sistema koji svakom pojedincu omogućava dostojanstven život.

Skup je otvorio rektor prof. dr. Suad Bećirović ističući značaj obrazovanja i interdisciplinarnog pristupa u izgradnji pravednijeg društva.

Na panelu su svoja izlaganja predstavili:

- Prof. dr. Ergin Hakić – dekan Departmana za pravne nauke
- Dipl. prav. Esma Lakota – predstavnik Centra za socijalni rad
- Prof. dr. Samir Ljajić – uticaj mas medija
- Prof. dr. Maida Bećirović Alić – aspekti ljudskih prava
- Doc. dr. Jasmina Nikišić – uloga porodice
- Doc. dr. Samra Dečković – krivično-pravni aspekti
- Doc. dr. Dženis Bajramović – ekonomski aspekti

Posebno nas raduje što su studenti pokazali veliko interesovanje i aktivno učestvovali u diskusiji, postavljajući pitanja i iznoseći svoje stavove o izazovima i mogućnostima unaprjeđenja socijalne pravde u našem društvu.

Okrugli sto je pružio prostor za konstruktivnu razmjenu mišljenja, a zaključci i poruke koje su proizašle iz diskusije biće dragocjeni za dalji rad u ovoj oblasti.

Studenti Departmana za pravne nauke posjetili Kazneno-popravni zavod u Novom Pazaru

U okviru predmeta Stručna praksa i Penologija, studenti druge godine Departmana za pravne nauke realizirali su stručnu posjetu Kazneno-popravnom zavodu u Novom Pazaru,

nastavljajući tako tradiciju dugu više od desetljeća i saradnje između akademske zajednice i sistema izvršenja kaznenih sankcija.

Ova posjeta imala je za cilj da studentima približi organizaciju i svakodnevno funkcioniranje kazneno-popravne ustanove, ali i da im omogući neposredan uvid u način provođenja kazni zatvora, postupanje prema osuđenim osobama, resocijalizacijske programe i izazove s kojima se suočava zatvorski sistem.

Studenti su tokom posjete imali priliku upoznati se s radom različitih odjela unutar ustanove, uključujući sektor sigurnosti, tretmanskú službu i administraciju, kao i da u direktnoj komunikaciji sa zaposlenima dobiju odgovore na brojna pitanja od praktičnog i stručnog značaja.

Posjetu su realizirali u pratnji svojih nastavnika:

- Prof. dr Ergin Hakić, rukovodilac Departmana za pravne nauke
- Doc. dr Samra Dečković, profesorica kaznenog prava
- Amina Crnovršanin, saradnica u nastavi

Univerzitet i Departman za pravne nauke ovom prilikom upućuju iskrenu zahvalnost Ministarstvu pravde Republike Srbije, kao i Upravi za izvršenje kaznenih sankcija, koji su omogućili realizaciju ove stručne aktivnosti.

Posebna zahvalnost upućuje se upravnici KPZ Novi Pazar, Sabini Dolovac, i njenim saradnicima, na srdačnoj dobrodošlici, stručnoj prezentaciji i otvorenosti za saradnju, koja predstavlja važan most između obrazovanja i prakse.

Ovakve posjete dodatno obogaćuju akademsko obrazovanje studenata prava i potiču njihovo profesionalno usmjerenje ka oblastima izvršenja kaznenih sankcija i zaštite ljudskih prava u zatvorskom sistemu.

Promocija studentske emisije „Vještačka inteligencija vs Pravo: Granice prava u digitalnom dobu“

Na Univerzitetu u Novom Pazaru, studenti prve godine prava, uz mentorstvo prof. dr Maide Bećirović-Alić, predstavili su emisiju „Vještačka inteligencija vs Pravo“, nastalu kao odgovor na izazove koje tehnologija postavlja pravu.

Kroz intervju, priloge i vizuelne sadržaje, studenti su obradili teme poput:

digitalnog nadzora

pravne odgovornosti AI sistema

zaštite podataka

sigurnosti pojedinca

etičkih dilema u digitalnom dobu

Emisija pokazuje da pravo više ne može ostati zatvoreno u akademskim okvirima – mora razumjeti tehnologiju, reagovati na promjene i biti dio savremenog dijaloga.

Glavna poruka: pravo mora govoriti jezikom svog vremena i prepoznati granice i moć tehnologije. Čutanje o AI u pravnom diskursu više nije opcija – to je profesionalni propust.

Promocija je pokazala da studenti razmišljaju hrabro i interdisciplinarno, otvarajući vrata novoj praksi u kojoj se pravo uči kroz dijalog, istraživanje i otvorenost prema budućnosti.

Departman za umjetnost i filološke nauke

Departman za umjetnost i filološke nauke nudi visokokvalitetno obrazovanje u području umjetnosti i filologije. Naši studenti stiču temeljna znanja iz područja književnosti, jezika, historije umjetnosti, likovnih umjetnosti, primijenjenih umjetnosti i drugih relevantnih

disciplina. Kroz praktičan rad i saradnju sa obrazovnim i kulturnim institucijama, kao i privrednim društvima, pripremamo ih za uspješnu karijeru u kreativnim industrijama, obrazovanju i kulturi.

Departman za umjetnost i filološke nauke nudi na osnovnim studijama sljedeće programe:

- Likovna umjetnost – slikarstvo
- Grafički dizajn
- Modni dizajn
- Bosanski jezik i bošnjačka književnost
- Srpski jezik i književnost
- Njemački jezik i književnost
- Engleski jezik i književnost

Na master akademskim studijama postoje studijski programi:

- Likovna umjetnost – slikarstvo
- Jezik, književnost i kultura

Diplomci našeg Departmana su traženi na tržištu rada. Naši studenti su spremni za rad u različitim područjima, kao što su galerije, škole, privredna društva i kulturne institucije. Stečeno znanje omogućuje im da se uspješno nose s izazovima modernog svijeta kulture i umjetnosti.

Naš Departman je posvećen i istraživanju i očuvanju kulturne baštine. Naši studenti stječu znanja o povijesti jezika, književnosti i umjetnosti, što im omogućuje da bolje razumiju svoju kulturnu baštinu i identitet. Kroz proučavanje različitih kultura, studenti razvijaju interkulturalnu kompetenciju i otvorenost prema različitosti. Istraživanja iz oblasti umjetnosti studenti mogu realizovati na studijskom programu iz doktorskih studija:

- DUS Likovne umjetnosti

Na Univerzitetu u Novom Pazaru održano je gostujuće predavanje na temu “Oboji svoj život”, koje je održao češki umjetnik Ondřej Míšek.

Ondřej Míšek (1977, Prag) studirao je grafički dizajn na Akademiji likovnih umjetnosti u Varšavi, u klasi prof. Lecha Majeuskog. Pored redovnih zadataka u grafici i grafičkom dizajnu, aktivno se posvetio i slikarstvu, u čijem okviru je često radio u studiju prof. Adama Sticke. U periodu od 2009. do 2016. godine živio je i radio u Bangkoku, Tajland, gdje je prvo bio angažovan kao predavač grafičkog dizajna u “Accademia Italiana” – Institutu za modu i dizajn.

Lica iz “Maggie Choo’s” poslužila su kao inspiracija za veliki broj slika pod nazivom “Maggie Choo Series”. Ulični život i noćna scena Bangkoka, kao i poznati tajlandski boks, također su sastavni dio serije slika pod nazivom “Bangkok Series”.

Pored toga, Míšek stvara seriju slika inspirisanu njegovim boravkom u Varšavi krajem devedesetih i početkom novog milenijuma. Njegov stil je figurativno slikarstvo povezano sa snažnom tipografijom, što ima korijene u njegovim studijama grafičkog dizajna i dizajna postera.

Izložba u Galeriji MKC, koja je otvorena od 22. oktobra, predstavlja izbor radova pod nazivom “Oboji svoj život”. Ova izložba je prethodno bila prikazana u Galeriji Mánes ove godine u Pragu.

Studenti su imali priliku da čuju inspirativnu priču i nauče kako umjetnost može obogatiti svakodnevni život.

Na Univerzitetu u Novom Pazaru organizovan kviz opšteg znanja

Na Univerzitetu u Novom Pazaru organizovan je kviz opšteg znanja. Kviz je održan pod stručnim vođstvom prof. dr. Branislave Vasić Rakočević, a ekipe su pokazale zavidno znanje, brzo razmišljanje i pravi takmičarski duh.

Atmosfera je bila dinamična i uzbuđljiva, dok su pitanja testirala sve – od nauke, historije, književnosti i sporta, do matematike, umjetnosti i zanimljivih mozgalica. Prvo mjesto osvojila je ekipa “Apsolventi”, drugo mjesto pripalo je ekipi “Pokemoni”, dok je treće mjesto pripalo ekipi “Ko to tamo kvizuje”.

“Danas smo na Univerzitetu još jednim lijepim povodom. Riječ je o kvizu opšteg znanja, gdje se naši studenti neće samo lijepo zabaviti, već i pokazati šta znaju. Kada na kraju saberemo sve bodove naši učesnici osvojiće neke od vrijednih nagrada koje je Univerzitet spremio za njih. Obzirom da se ovo prvi put dešava na Univerzitetu, mi se iskreno nadamo da će ovo postati tradicija, da će se studentima svidjeti i da ćemo u nekom od narednih puta uključiti i zaposlene”, kazala je prof. dr. Branislave Vasić Rakočević

Učešće u kvizu uzelo je 9 ekipa koje su brojale od 3 do 6 članova.

U Univerzitetskoj galeriji otvorena izložba “Balkanska geometrija” umjetnika Miloša Milosavljevića

Izložba, koja predstavlja spoj geometrijske apstrakcije i kulturno-historijskog naslijeđa Balkana, okupila je ljubitelje umjetnosti, profesore, studente i brojne goste. Radovi ovog priznatog umjetnika donose jedinstvenu interpretaciju ritma, boja i oblika, pružajući posjetiocima priliku da urone u njegovu viziju duhovnog istraživanja prostora i vremena.

Akademik Fehim Huskovic govorio je o značaju izložbe, dok je sam autor, Miloš Milosavljević, sa prisutnima podijelio inspiraciju i proces nastanka svojih djela.

Izložba će biti otvorena do 7. februara 2025. godine, i pozivamo vas da je posjetite i doživite umjetničku priču kroz “Balkansku geometriju.”

Univerzitet u Novom Pazaru u saradnji sa Departmanom za umjetnost i filološke nauke i Centar za aktivnu memorizaciju i vizualizaciju, organizovali stručno edukativno studijsko putovanje u Sjevernu Italiju

Za četiri dana studenti su istražili bogatu historiju i kulturu Sjeverne Italije! Trst, Verona, Padova i Venecija bili su učionica na otvorenom – od bazilika i muzeja do historijskih trgova i znamenitosti.

Uz vođstvo prof. dr. Džemila Bektovića, studenti su kroz edukativne sesije, predavanja i razmjene znanja produbili svoje razumijevanje memorizacije i vizualizacije. Njegova posvećenost i stručnost ostavili su snažan utisak na studente i cijeli naš tim.

Studenti su imali priliku vidjeti:

- Trst – Piazza Unita d'Italia, Crkva Sv. Spiridona
- Verona – Julijina kuća, Rimska Arena, Danteov trg
- Padova – Prato della Valle, Bazilika Sv. Antuna
- Venecija – Trg Sv. Marka, Most uzdaha, Rialto

Ovo putovanje spojilo je edukaciju i avanturu! Hvala svima koji su bili dio ovog nezaboravnog iskustva.

Svečano veče posvećeno inovaciji i tradiciji na Univerzitetu u Novom Pazaru

Univerzitet u Novom Pazaru bio je domaćin svečanog događaja koji je okupio profesore, studente i ugledne goste, a sve u čast predstavljanja novog vizuelnog identiteta univerziteta i promocije Centra za aktivnu memorizaciju i vizualizaciju.

Zahvalnice su uručene:

- Bektović Džemilu
- Husović Asmiru
- Nokić Elvisu
- Crnišanin Rijadu
- Radetinac Saimi

Večer je započelo predstavljanjem novog logotipa UNINP-a, koji simbolizira spoj tradicije i modernog obrazovanja. Gosti su imali priliku da saznaju više o procesu dizajna, inspiraciji i značaju ovog vizuelnog identiteta.

Nakon toga, uslijedila je promocija Centra za aktivnu memorizaciju i vizualizaciju, koji će studentima i istraživačima omogućiti inovativne metode učenja kroz kombinaciju savremenih tehnika memorisanja i vizualizacije.

Poseban segment programa bio je posvećen bosančici – starom pismu s bogatom historijom. Kroz zanimljivo predavanje i vizuelne primjere, prisutni su imali priliku da se prisjete kulturne baštine i značaja očuvanja ovog naslijeđa.

Večer je upotpunjeno izložbom radova korisnika Centra, koja je svečano otvorena u galerijskom prostoru. Gosti su uživali u umjetničkim i kreativnim ostvarenjima, imali priliku za razgovor s autorima, kao i za neformalno druženje u prijatnoj atmosferi.

Zahvaljujemo svima koji su bili dio ovog događaja i podržali viziju Univerziteta u Novom Pazaru.

U Univerzitetskoj galeriji, kroz promociju zbirke Metodičke iskre 1, na poseban način obilježen Međunarodni dan maternjeg jezika

Ovo je bio prvi događaj ovakvog koncepta u našoj galeriji, a atmosfera je bila inspirativna i ispunjena razmjenom znanja i ideja.

O značaju konkursa i same zbirke govorili su prof. dr. Ahmed Bihorac, idejni tvorac i predsjednik komisije za odabir radova, te prof. dr. Kimeta Hamidović, urednica zbirke.

Svoje radove predstavile su i nagrađene autorice: Milena Milošević i Marija Zaputil, dobitnice prve nagrade za pripremu Plava grobnica, Selma Kartalović, dobitnica druge nagrade, te Izabela Stošić, dobitnica treće nagrade.

Događaj je upotpunila i izložba posvećena bosančici, starom pismu koje svjedoči o bogatom kulturnom naslijeđu ovih prostora.

Otvorena izložba radova sa Međunarodnih likovnih susreta HRID 2024 u Univerzitetskoj galeriji

Plav, 2024 – U svečanom ambijentu Univerzitetske galerije je otvorena izložba radova nastalih tokom Međunarodnih likovnih susreta HRID 2024, koje su zajednički organizovali Univerzitet u Novom Pazaru i Planinarsko društvo „Hrid“. Ovaj kulturni događaj okupio je umjetnike iz Srbije, Sjeverne Makedonije, Kosova, Albanije, Bugarske i Turske, pružajući prostor za stvaranje, razmjenu ideja i njegovanje likovne umjetnosti.

Učesnici likovne kolonije proveli su dane stvarajući djela inspirisana prirodnim ljepotama Plava, kroz različite stilove i tehnike – od apstrakcije do ornamentalnih formi. Svako umjetničko djelo nastalo u okviru kolonije predstavlja autentičan izraz pojedinca, ali i zajedničku poruku: umjetnost je univerzalni jezik koji spaja ljude uprkos razlikama.

Izložba je svečano otvorena uz riječi zahvale umjetnicima koji su svojim stvaralaštvom obogatili ne samo prostor galerije, već i kulturnu scenu regije.

Prisutnima se obratio i upravnik galerije doc. Asmir Husović, koji je istakao važnost ovakvih susreta za očuvanje i razvoj kulturne baštine.

Izložba će biti otvorena za posjetioce od 8. do 22. maja 2025. godine.

Studenti studijskog programa Njemački jezik i književnost su imali priliku da posjete Goethe-Institut u Beogradu

U okviru predmeta Stručna praksa, studenti studijskog programa Njemački jezik i književnost, pod mentorstvom prof. dr Kimete Hamidović, doc. dr Dobrile Begenišić i asistentice Aide Bačevac, imali su priliku da posjete Goethe-Institut u Beogradu.

Dr. Biljana Pajić održala je zanimljivu i informativnu prezentaciju o radu Goethe-Instituta, kao i o mogućnostima usavršavanja i zaposlenja u zemljama njemačkog govornog područja. Za studente je pripremila i mini kviz sa prigodnim nagradama, što je dodatno obogatilo njihovo iskustvo.

Biblioteka Goethe-Instituta impresionirala je studente svojim bogatim fondom: udžbenicima za učenje njemačkog jezika, djelima klasične i savremene književnosti, muzikom, filmovima i metodičko-didaktičkim materijalima za nastavu njemačkog kao stranog jezika.

Univerzitet u Novom Pazaru i Centar za aktivnu memorizaciju i vizualizaciju uspješno organizovali radionicu na temu „Clinical teaching“

Ova edukativna radionica, koja je bila fokusirana na fotografiju kao sredstvo vizuelnog izražavanja, okupila je brojne entuzijaste i ljubitelje umjetnosti. Univerzitet je učesnicima ponudio jedinstvenu priliku da teorijsko znanje pretoče u praksu, kroz pažljivo osmišljene aktivnosti.

U uvodnom, teorijskom dijelu radionice, obrađene su ključne teme: kompozicija, rad sa svjetlom, kadar, kao i značaj fotografije u savremenoj komunikaciji i vizuelnom pripovijedanju. Poseban fokus bio je na fotografiji kao izrazu emocije i ideje.

Nakon toga, prisutnima se obratio renomirani fotograf Elvis Nokić, koji je znanje pretočio u praksu, demonstrirajući kako tehnički i umjetnički aspekti fotografije dolaze do izražaja u stvarnom okruženju. Njegov pristup inspirisao je sve prisutne da promišljaju o fotografiji na dublji način.

U praktičnom dijelu radionice, učesnici su imali priliku da se sami oprobaju iza objektivu, eksperimentišući sa svjetlom, prostorom i kompozicijom, uz stalnu podršku i stručne savjete Elvise Nokića.

Radionica je zaključena zajedničkom analizom nastalih fotografija i razmjenom utisaka, čime je Univerzitet još jednom potvrdio svoju ulogu kao centar znanja, kreativnosti i otvorenog dijaloga.

Zahvaljujemo se svim učesnicima na energiji i predanosti, a posebno Elivsu Nokiću na izuzetno inspirativnoj sesiji.

Održan šesti Univerzitetski Majski Umjetnički Salon (UMUS) u Novom Pazaru

U Galeriji Kulturnog centra Novi Pazar svečano je otvoren šesti Univerzitetski Majski Umjetnički Salon (UMUS), tradicionalna izložba radova studenata Departmana za umjetnost i filološke nauke Univerziteta u Novom Pazaru.

Na ovogodišnjoj izložbi predstavljeno je 30 radova, koji obuhvataju različite oblasti umjetničkog izraza: od klasičnog crteža, večernjeg akta, slikarstva, grafike i ilustracije, do

modnih kreacija i drugih radova nastalih na predmetima u okviru studijskih programa modnog i grafičkog dizajna.

Otvarajući izložbu, rukovodilac Departmana za umjetnost i filološke nauke UNP-a, doc. Asmir Husović istakao je pedagoški značaj ovog salona: „UMUS nije samo prezentacija studentskih radova – to je prostor učenja, evaluacije i profesionalne afirmacije mladih umjetnika.“

Zahvalnost je upućena Kulturnom centru Novi Pazar, Galeriji, upravi Univerziteta, kao i svim profesorima i studentima koji su doprinijeli realizaciji događaja.

Posjetioci izložbe imaju priliku da sagledaju rad i napredak studenata kroz jednogodišnji proces učenja i stvaranja, a izložba ostaje otvorena za sve ljubitelje umjetnosti narednih dana.

Radionica grafičkih tehnika – spoj umjetnosti, učenja i kreativnosti

U naučnim centru “Vakuf znanja” upriličena je radionica iz oblasti grafike, koju je vodio Amer Hadžić, viši asistent na Odsjeku za grafiku Akademije likovnih umjetnosti Univerziteta u Sarajevu.

Fokus radionice bile su dvije izražajne grafičke tehnike – monotipija i bakropis, kroz koje su studenti imali priliku eksperimentisati i razvijati vlastiti likovni izraz.

Radionica je okupila studente, koji su uz stručno vođenje i praktičan rad stekli nova znanja, usavršavali svoje tehničke vještine i dublje se upoznali s procesom nastanka grafičkog djela. Poseban akcenat stavljen je na kreativnu slobodu, istraživanje materijala i važnost ručnog rada u savremenoj umjetnosti.

Zahvaljujemo se gospodinu Hadžiću na dijeljenju znanja, podršci i inspiraciji koju je pružio našim studentima.

Ovakvi susreti potvrđuju značaj umjetničkog obrazovanja i interdisciplinarne saradnje u visokom obrazovanju.

Održana izložba radova nastalih na Ljetnjoj akademiji umjetnosti u Novom Pazaru

U prostoru “Vakufa znanja” danas je upriličena završna izložba radova nastalih tokom Grafičke radionice u okviru Ljetnje akademije umjetnosti.

Tokom ove radionice, učesnici su imali priliku savladati tehnike monotipije i bakropisa. Izloženi radovi svjedoče o njihovoj posvećenosti, kreativnosti i brzom napretku u ovom specifičnom obliku likovnog izraza.

Ovaj događaj još jednom potvrđuje da je vakuf znanja postao prepoznatljiv prostor okupljanja umjetnika, studenata i svih onih koji vjeruju u moć stvaralaštva.

Modna čarolija pod otvorenim nebom

Na platou Univerziteta u Novom Pazaru, 4. jula 2025. godine, održana je modna revija studenata studijskog programa Modni dizajn, koja je privukla veliki broj posjetilaca i ljubitelja savremene mode.

Svojim radovima predstavilo se 13 talentovanih studenata, koji su publici prikazali čak 72 originalna modela, od kojih je svaki nosio jedinstven potpis i autorsku viziju. Kroz odvažne krojeve, inovativne forme i savremene modne izraze, demonstrirali su visoku estetsku i tehničku zrelost.

Ova revija još jednom je potvrdila opredijeljenost Univerziteta u Novom Pazaru ka podsticanju umjetničkog stvaralaštva, kreativnosti i autentičnog izraza mladih ljudi, te pružanju podrške studentima da svoje ideje pretoče u konkretna djela i predstave ih široj javnosti.

Departman za pedagoške i psihološke nauke

Departman za pedagoške i psihološke nauke nudi studijske programe iz oblasti pedagoških i psiholoških nauka. Naši studenti stiču temeljna znanja o ljudskom razvoju, učenju, motivaciji i međuljudskim odnosima. Kroz praktičan rad i istraživanja, pripremamo ih za uspješnu karijeru u različitim područjima, kao što su obrazovanje, savjetovanje, ljudski resursi i istraživanje.

Trenutno se na departmanu nude sljedeći programi na osnovnim akademskim studijama:

- Vaspitač djece predškolskog uzrasta
- Psihologija

Na master akademskim studijama se nude sljedeći programi:

- Vaspitač djece predškolskog uzrasta
- Psihologija

Diplomci našeg Departmana su traženi na tržištu rada. Naši studenti su spremni za rad u različitim ustanovama, kao što su škole, vrtići, savjetovašta i drugih ustanova.

Departman je posvećen i sprovođenju naučnih istraživanja u području psihologije i pedagogije. Naši istraživači se bave aktualnim temama, kao što su razvoj djeteta, obrazovne politike, mentalno zdravlje i socijalne interakcije. Rezultati naših istraživanja doprinose razvoju znanja i unaprjeđenju prakse u ovim područjima.

Departman za pedagoške i psihološke nauke organizovao edukativne radionice i donirao ručno izrađene igračke PU “Reuda”

Departman za pedagoške i psihološke nauke organizovao je niz edukativnih radionica u Predškolskoj ustanovi “Reuda”, uz poseban poklon – sedam kreativno osmišljenih i ručno izrađenih edukativnih igračaka.

Studentice četvrte godine, smjera Vaspitač djece predškolskog uzrasta, u okviru predmeta Dječija igra i stvaralaštvo, aktivno su sudjelovale u realizaciji ovog značajnog projekta. Rad je realiziran pod mentorstvom prof. dr. Amele Muratović i asistentice mast. vasp. Ajle Gegić Bulić.

Edukativne igračke donirane su polaznicima PU “Reuda” u objektima “Hanefi”, “Hadži Mehova džamija” i objektu na Dohoviću.

Zadovoljstvo i zahvalnost uposlenika i polaznika ove ustanove svjedoče o važnosti i uspješnosti ovog projekta. Studentice su još jednom dokazale koliko je ključno povezati teorijsko znanje s praktičnom primjenom, obogaćujući odgojno-obrazovni proces i donoseći radost najmlađima.

Univerzitet u Novom Pazaru obilježio je Svjetski dan osoba sa Down sindromom programom “Inkluzija bez granica: vidljivi, voljeni, važni – zajedno za bolji svijet”

Uz prisustvo brojnih gostiju, program je otvoren obraćanjima rektora prof. dr. Suada Bećirovića, rukovodioca Departmana za pedagoške i psihološke nauke prof. dr. Samira Ljajića i gradonačelnika Novog Pazara Nihata Biševca, koji su istakli važnost inkluzije i podrške osobama sa Down sindromom.

Događaj je bio podijeljen u dva segmenta – radionicu i edukativnu tribinu. Radionica je kroz igru i zajedničke aktivnosti donijela osmijehe i radost, dok je tribina pružila inspirativne poruke i vrijedne uvide. Prisutnima su se obratile i Amina Hasanović Ljajić te Azra

Crnovršanin, predstavnice Centra Code, koje su istakle značaj podrške i resursa za djecu sa Down sindromom. Svoje lične priče i iskustva podijelile su Sara Bero, Alma Čolović Mededović i Emina Hujević, majke djece sa Down sindromom, čiji su govori bili puni emocija, snage i motivacije.

Kroz ovakve inicijative gradimo društvo u kojem su svi ravnopravni, podržani i prihvaćeni.

Stručna praksa studenata psihologije – spoj teorije i stvarnog iskustva

Zahvaljujući uspostavljenoj saradnji Univerziteta u Novom Pazaru sa brojnim institucijama u Novom Pazaru i širem okruženju, studenti Departmana za psihološke nauke imali su priliku da kroz Stručnu praksu prošire svoja znanja i razviju profesionalne vještine u radu s različitim populacijama.

Tokom aprila i maja, studenti su posjetili Predškolsku ustanovu “Reuda”, Centar za djecu i mlade sa invaliditetom u Raški, te realizovali radionicu povodom Svjetskog dana osoba sa Daunovim sindromom.

Također su boravili u MNRO Udruženju, Nacionalnoj službi za zapošljavanje, Domu omladine i prisustvovali Sajmu obrazovanja.

Tokom posjeta, stručni timovi i saradnici iz ovih ustanova upoznali su studente s metodama rada, izazovima i svakodnevnicom u radu s djecom i mladima.

Ova praksa, realizovana pod vođstvom prof. dr Semrije Smailović i master psihologinje Elzane Hakić, omogućava studentima da teorijsko znanje primijene u praksi, razviju empatiju, profesionalnu osjetljivost i steknu vrijedna iskustva za budući rad u zajednici.

IZVJEŠTAJ O INVESTICIJAMA

Na Univerzitetu u Novom Pazaru se u akademskoj godini 2024/25. intenzivno investiralo u opremu. Univerzitet je u ovom periodu realizirao sljedeće projekte:

- Prostor „Velike sale“ se pretvara u amfiteatar sa 210 mjesta. Trenutno se radi na rješenju mobilne pregrade. Trenutna vrijednost investicije: 13.000.000 RSD. Sredstva su obezbijedena od Rijasetu IZ u BiH, IZ u Srbiji, ustanova IZ u Srbiji i drugih donatora.
- Nekadašnji profesorski restoran pretvoren je u umjetničku galeriju. Vrijednost investicije je 1.800.000 dinara. Sredstva su obezbijedena od osnivača Univerziteta, IZ u Srbiji.
- Parking za nastavnike. Uslijed povećanja broja studenata, rukovodstvo Univerziteta zajedno sa osnivačem su donijeli odluku da se premjesti konstrukcija za mali fudbal na vakufsku parcelu kod novopazarske banje. Trenutno se radi na parkingu sa 28 mjesta, a vrijednost je oko 1.800.000 dinara. Za ovu investiciju koriste se sredstva univerziteta.

U sljedećem periodu, Univerzitet ima u planu sljedeće projekte:

- Izgradnja modernog amfiteatra. Jedan od trenutnih ključnih nedostataka na univerzitetu jeste nepostojanje amfiteatra. Urađen je projekt za moderni amfiteatar čija je vrijednost procijenjena na oko 60.000.000 RSD.
- Sređivanje platoa (uključujući ogradu oko univerziteta). Očekivana vrijednost investicije je oko 7.000.000 dinara.
- Planirana je ugradnja lifta u zgradi. Očekivana vrijednost investicije je oko 4.000.000 dinara.

Kao ključni korak u zaokruživanju institucionalne stabilnosti, sa ponosom ističemo da je uspješno završen proces uknjižbe zgrade Univerziteta. Na osnovu rješenja Republičkog geodetskog zavoda (br. 952-02-20-047-53734/2025 od 12.11.2025. godine), zvanično je verifikovan i uknjižen dodatni prostor zgrade.

Ovim pravnim aktom, Univerzitet je uvećao svoj fond za impresivnih 6.512 m² korisnog prostora. Ovo značajno proširenje direktno omogućava:

- Dalji razvoj savremenih nastavnih resursa (učionica, laboratorija i kabineta);
- Dodatno podizanje studentskog standarda i kvaliteta boravka u kampusu;
- Dugoročnu imovinsko-pravnu sigurnost i potvrdu investicionog zamaha institucije.

Ovaj administrativni uspjeh predstavlja materijalnu osnovu za sve prethodno navedene naučne i kulturne uspjehe, osiguravajući prostor za nove generacije studenata i istraživača.

IZVJEŠTAJ O NORMATIVNIM AKTIMA

U toku akademske 2024/25. godine Senat Univerziteta u Novom Pazaru je usvojio prijedloge sljedećih Pravilnika:

- Pravilnik o nagrađivanju studenata univerziteta u Novom Pazaru, br. 1456/24/v-1 od 17.10.2024.
- Odluka o izmjenama i dopunama pravilnika o mjerama za povećanje vidljivosti i prisutnosti Univerziteta u Novom Pazaru na internetu, br. 1818/24/VI-3 od 19.12.2024.
- Odluka o utvrđivanju prijedloga izmjena i dopuna pravilnika o radu univerziteta, br. 1818/24/VI-2 od 19.12.2025.
- Odluka o utvrđivanju prijedloga izmjena i dopuna statuta univerziteta, br. 1818/24/VI-1 od 19.12.2025.
- Pravilnik o mjerama za povećanje vidljivosti i prisutnosti univerziteta u Novom Pazaru na internetu, br. 1818/24/VI-3 od 19.12.2025.
- Izmjene i dopune pravilnika o polaganju prijemnih ispita i upisu kandidata na osnovnim akademskim studijama Univerziteta u Novom Pazaru, br. 71/25/V-3 od 16.01.2025.
- Pravilnik o izradi završnih radova na osnovnim akademskim studijama, br. 71/25/V-2 od 16.01.2025.
- Pravilnik o upisu studenata na studijske programe iz oblasti umjetnosti Univerziteta u Novom Pazaru, 71/25/V-4 od 16.01.2025.
- Pravilnik o radu centra za aktivnu memorizaciju i vizualizaciju, br. 313/25/V-1 od 20.03.2025.
- Pravilnik o radu Centra za pedagoška i psihološka istraživanja departmana za pedagoške i psihološke nauke Univerziteta u Novom Pazaru, br. 479/25/VI od 23.04.2025.
- Odluka o izmjenama i dopunama pravilnika o doktorskim akademskim studijama, br. 1039/25/VII-1 od 28.08.2025. godine
- Odluku o prijedlogu izmjena i dopuna pravilnika o unutrašnjoj organizaciji i sistematizaciji radnih mjesta na Univerzitetu u Novom Pazaru, br. 1473/25/V-2 od 25.09.2025.
- Prijedlog pravilnika o disciplinskoj i materijalnoj odgovornosti studenata, br. 1473/25/V-1 od 25.09.2025.

IZVJEŠTAJ O DEŠAVANJIMA NA UNIVERZITETU

Svečanom dodjelom indeksa 23. generaciji studenata zvanično obilježen početak nove akademske godine.

Svečanoj dodjeli prisustvovao je veliki broj zvanica, predstavnika Mešihata, profesora i studenata, koji su svojim prisustvom uveličali ovaj važan događaj za buduće akademske građane.

Program je započeo izvedbom sevdalinke Asiye Murtezić, koja je svojim glasom unijela emotivnu notu u svečani ambijent.

Nakon toga, prisutnima se obratio rektor Univerziteta u Novom Pazaru, prof. dr. Suad Bećirović koji je brucosima uputio srdačne riječi dobrodošlice:

“Ovo je početak vašeg akademskog puta, a indeks koji danas dobijate je vaš pasoš za obrazovanje. Visoko obrazovanje nije samo sticanje informacija, već prilika za razvoj kritičkog mišljenja, izgradnju vještina i doprinos društvu.”

Rektor je potom uručio indekse studentima s najviše bodova na prijemnom ispitu: Amri Hot, Dženani Mehmedović, Emi Drešković, Samedu Suljiću, Rumejsi Destanović i Emini Kurpejović, prepoznajući ih kao buduće nosioce akademske izvrsnosti.

Nakon rektorovog govora, studentica Fazila Šaćić se obratila prisutnima svojim autorskim tekstom, a predsjednik Savjeta Univerziteta, dr. Rešad Plojović, poželio je dobrodošlicu brucosima.

Svečanost je završena uručenjem indeksa svim brucosima, čime je zvanično označen početak njihovog akademskog puta na Univerzitetu u Novom Pazaru.

Predstavnici Univerziteta u Novom Pazaru na Generalnom BH sajmu privrede – ZEPS 2024

Delegaciju Univerziteta je predvodio rektor, prof. dr. Suad Bećirović, a činili su je: koordinator za međunarodnu saradnju i rukovodilac Departmana za pravne nauke, prof. dr. Ergin Hakić i finansijski menadžer i šef kabineta rektora, mast.ekon. Haris Zogić.

ZEPS je tradicionalni sajam privrede, na kojem ove godine učestvuje 400 kompanija sa više od 1.200 brendova. Republika Turska je zemlja partner ovogodišnjeg ZEPS-a, a nacionalno učešće Turske organizuje Istanbulska trgovinska komora, druga po redu najveća privredna komora na svijetu sa više od 800.000 članica, a predstavnici UNINP su se susreli sa predsjednikom Komore, Şekibom Avdagićem.

Sa predstavnicima Istanbulskog komercijalnog univerziteta je dogovoreno potpisivanje sporazuma na polju razmjene studenata i saradnje na naučnim projektima, a sa privrednikom i suorganizatorom sajma, Samirom Vildićem je dogovoreno gostujuće predavanje u vidu škole preduzetništva u novembru ove godine.

Na marginama događaja je bilo još sastanaka sa predstavnicima naučnog i privrednog života u cilju saradnje na projektima od zajedničkog interesa.

Svečano otvoren amfiteatar na Univerzitetu u Novom Pazaru i dodijeljene stipendije studentima

09.12.2024. godine je na Univerzitetu u Novom Pazaru održana svečana ceremonija povodom otvaranja amfiteatra i dodjele stipendija najboljim studentima. Događaju su prisustvovali predstavnici Islamske zajednice, univerzitetske uprave, donatori i studenti.

Prisutnima su se obratili:

- Muftija Mevlud ef. Dudić, predsjednik Mešihata Islamske zajednice u Srbiji
- Rektor prof. dr. Suad Bećirović, i
- Ibrahim Malanović, šef Ureda za društvenu brigu i izaslanik reisu-l-uleme Islamske zajednice u Bosni i Hercegovini.

Muftija Dudić je ovom prilikom uputio poruku:

“Studentima i učenicima je mjesto u klupama na fakultetima, a ne na ulicama. Povodom otvaranja amfiteatra i dodjele stipendija na Univerzitetu, istakao bih da smo mnogo znoja prolili i svojim trudom napravili Univerzitet. Ništa nam nije poklonjeno. Zato tražim od studenata da iskoriste ovu blagodat Univerziteta i da vrijeme provode u učionicama, redovno na predavanjima, i steknu što više znanja kako bi sutra mogli prenijeti svoja znanja. Samo oni koji su na pošten način došli do diploma, i fakultete nisu dobili na poklon, mogu sebi priuštiti da ne gube vrijeme na ulicama.”

Rektor prof. dr. Suad Bećirović istakao je važnost dodjele stipendija, naglašavajući da su one priznanje za studentski uspjeh:

“Dodjela stipendija nije izraz sadake ili milostinje, već simbol studentskih postignuća kroz njihov trud i zalaganje. Ovo je naš način da motivišemo studente i podržimo njihovo obrazovanje.”

U okviru svečanosti, uručene su i plakete zahvalnosti donatorima koji su svojim doprinosom omogućili realizaciju projekta amfiteatra i dodjelu stipendija. Rektor Univerziteta je izrazio posebnu zahvalnost donatorima, naglašavajući da je njihova podrška od ključne važnosti za razvoj Univerziteta.

Dodjela stipendija i otvaranje amfiteatra simbolizuju dalji napredak Univerziteta u pružanju što boljih uslova za studente i njihov akademski razvoj.

Izaslanik rektora, generalni menadžer prof. dr. Enver Međedović, prisustvovao je svečanoj akademiji Univerziteta u Tuzli koji je ove godine proslavio 48 godina postojanja

Izaslanik rektora, generalni menadžer prof. dr. Enver Međedović, prisustvovao je svečanoj akademiji Univerziteta u Tuzli koji je ove godine proslavio 48 godina postojanja. Univerzitet je osnovan 1976. godine, a od tada je postao jedan od ključnih obrazovnih i istraživačkih centara u Bosni i Hercegovini.

Generalni menadžer je prije svečane akademije prisustvovao rektorskom kolegijumu gdje se govorilo o značaju Univerziteta obrazovanju i nauci u društvu, te o doprinosu u kreiranju visokoobrazovanih stručnjaka u različitim oblastima i davanju značajnog doprinosa na polju obrazovanja.

Univerzitet u Novom Pazaru i startup kompanija Priče i Prijatelji potpisali su memorandum o saradnji, otvarajući vrata inovativnim edukativnim pristupima

Univerzitet u Novom Pazaru i startup kompanija Priče i Prijatelji potpisali su memorandum o saradnji, otvarajući vrata inovativnim edukativnim pristupima.

Svoja obraćanja i vizije podijelili su:

- Rektor univerziteta, prof. dr. Suad Bećirović
- Dženan Hajrović, direktor projekta,
- Tarik Biševac, suosnivač startapa,

- Aida Rizvanović, psihološkinja i autorka,
- Suada Hodžić, vaspitačica i spisateljica.

Projekat je namijenjen djeci uzrasta od 5 do 7 godina i osmišljen kao podrška roditeljima u usađivanju ključnih životnih vrijednosti kroz jedinstven spoj psihologije, književnosti i pripovijedanja.

Posebno su pozvani studenti psihologije, predškolskog obrazovanja, književnosti i lingvistike kako bi kroz ovaj projekat stekli praktično iskustvo, unaprijedili svoje znanje i direktno doprinosili radu sa djecom.

Projekat će trajati 3 mjeseca, nakon čega će polaznici dobiti certifikate, a najuspješniji među njima imat će priliku za zaposlenje u okviru ove inovativne inicijative.

Ovim putem pozivamo zainteresovane studente da se priključe ovom projektu i podrže misiju stvaranja priča koje povezuju, inspirišu i oblikuju buduće generacije.

Zaštitnik građana posjetio Univerzitet u Novom Pazaru

26.12.2024. godine smo imali čast ugostiti Ombudsmana, Zaštitnika građana Republike Srbije, gospodina Zorana Pašalića, koji je tokom svog obraćanja istakao značaj zaštite prava građana i otvorene komunikacije s mladima.

Skup je otvorio rektor univerziteta, prof. dr. Suad Bećirović naglasivši ulogu obrazovnih institucija u promicanju društvene odgovornosti. Nakon izlaganja, studenti su imali priliku postavljati pitanja, pokazavši veliko interesovanje za teme ljudskih prava i pravne zaštite.

Zahvaljujemo se gospodinu Pašaliću na dolasku i na konstruktivnom razgovoru sa našim studentima!

Jednodnevni izlet i zimske igre na Kopaoniku za studente Univerziteta u Novom Pazaru

Univerzitet u Novom Pazaru u saradnji sa Studentskim parlamentom organizirao je jednodnevni izlet i zimske igre na Kopaoniku za studente.

Jednodnevni boravak na Kopaoniku započet je u naselju Brzeće gdje je kratko predavanje o planinarenju, potrebnoj opremi i načinu oblačenja prilikom boravka na planini održao stručni spasilac Remzo Gusinac.

Nakon toga su studenti uživali u slobodnim aktivnostima na centru Kopaonika. Najveći dio vremena proveli smo u obilascima i šetnji planinom, skijanju, sankanju i grudvanju, a naše putovanje obilježila je uzbudljiva atmosfera i druženje.

Jednodnevnim izletom na Kopaoniku krunisan je završetak zimskog semestra i studenti se sa ovog putovanja vraćaju zadovoljni i sa pozitivnim utiscima.

Delegacija Univerziteta u Novom Pazaru posjetila direktora WTC SARAJEVO s ciljem jačanja regionalne saradnje i poslovnog povezivanja.

Delegacija Univerziteta u Novom Pazaru, predvođena rektorom, prof. dr. Suadom Bećirovićem, boravila je u Sarajevu gdje je posjetila direktora World Trade Centra, gospodina Edina Sefu. Tokom sastanka razgovaralo se o mogućnostima saradnje na organizaciji međunarodnih investicijskih foruma, poslovnih klubova i drugih projekata od značaja za poslovnu i akademsku zajednicu u regionu, a sve s ciljem privlačenja stranih investicija u region Balkana kao i omogućavanja plasmana roba i usluga naših privrednika na tržišta širom svijeta.

World Trade Centers Association (WTCA) predstavlja globalnu mrežu poslovnih centara prisutnih u više od 90 zemalja, pružajući jedinstvenu platformu za ekonomski razvoj,

investicije i povezivanje kompanija širom svijeta. Kroz saradnju sa WTCA, otvaraju se mogućnosti za jačanje privrednih odnosa, promociju inovacija i razmjenu znanja između akademskih i poslovnih institucija.

Poseban fokus sastanka bio je na regionalnoj saradnji i načinima na koje univerziteti i poslovni sektor mogu zajednički djelovati u kreiranju dinamičnijeg poslovnog okruženja. Organizacija međunarodnih investicijskih foruma i poslovnih klubova prepoznata je kao ključni mehanizam za privlačenje investicija i stvaranje novih poslovnih prilika u regiji.

Ova posjeta predstavlja značajan korak ka unaprjeđenju saradnje između akademske zajednice i privrednog sektora, čime se podstiče ekonomski rast i otvaraju nove mogućnosti za studente, preduzetnike i investitore.

Univerzitet u Novom Pazaru u saradnji sa Studentskim parlamentom organizirao je promociju studentskog časopisa Epistema u prostorijama Univerzitetske galerije u utorak, 25. februara 2025. godine.

Promociju je otvorio rektor Univerziteta u Novom Pazaru prof. dr. Suad Bećirović uvodnim obraćanjem, istakavši značaj originalne pisane riječi u savremenom društvu.

Svojim autorskim radovima prustnima su se predstavili studenti Univerziteta u Novom Pazaru Ilan Sofić, Hazir Župljanin, Amina Kurbardović i Sara Dudić, vođeni moderatoricom Merisom Sadović.

O dizajnu časopisa i procesu njegove pripreme za štampu govorila je studentica Departmana za umjetnost i filološke nauke Dina Tajić, a završnu riječ promociji dala je glavna i odgovorna urednica studentskog časopisa Epistema Nedžla Zukorlić.

Na kraju programa dodijeljene su zahvalnice autorima čiji su radovi objavljeni u ovom broju studentskog časopisa i upućen poziv studentima da pišu i objavljuju svoje radove u budućim brojevima studentskog časopisa Epistema.

Univerzitet u Novom Pazaru organizovao iftar za studente

Jedanaestog dana mjeseca Ramazana na Univerzitetu u Novom Pazaru organizovan je iftar studenata Univerziteta sa Studentskim parlamentom s ciljem bližeg upoznavanja i druženja.

Studenti su u sjajnoj atmosferi zajedno proveli iftarske i postiftarske trenutke, koje su ispunili džematskim obavljanjem teravih-namaza, ali i drugim aktivnostima poput zajedničkog gledanja filma, turnira u stonom tenisu i igranja društvenih igara, te zajedništvom i lijepim druženjem upotpunili ovaj događaj.

Univerzitet u Novom Pazaru, u saradnji sa Studentskim parlamentom, obilježio je Svjetski dan poezije kroz program Stihovi Ramazana

Univerzitet u Novom Pazaru, u saradnji sa Studentskim parlamentom, obilježio je Svjetski dan poezije kroz program Stihovi Ramazana. U ambijentu ispunjenom smirenošću, ljubavlju i nadom, kroz stihove smo osjetili snagu riječi koje povezuju ljude i dotiču srca

Program smo započeli Kaside i Burdom, a nastavili sa inspirativnim poetskim izvedbama koje su donijele toplinu i ljepotu ramazanske duhovnosti. Naši talentovani učesnici prenijeli su nam emocije kroz stihove o vjeri, pokajanju, ljubavi i zahvalnosti.

Prisutnima se obratio rektor Univerziteta, prof. dr. Suad Bećirović, ističući važnost očuvanja kulture i tradicije kroz akademske i studentske aktivnosti. Također je naglasio kontinuirani angažman Univerziteta u organizaciji raznovrsnih događaja, kao i izuzetnu saradnju sa Studentskim parlamentom u kreiranju inspirativnih i edukativnih sadržaja za studente.

Studentski parlament organizirao posjetu 36. Međunarodnom sarajevskom sajmu knjiga

Studenti Univerziteta u Novom Pazaru predvođeni predstavnicima Studentskog parlamenta posjetili su Međunarodni sajam knjiga u Sarajevu tokom svog boravka u ovom gradu u četvrtak i petak, 10. i 11. aprila 2025. godine.

Međunarodni sarajevski sajam knjiga, koji je ove godine nosio slogan „Čitaj me!“ održava se u mjesecu aprilu svake godine i predstavlja jedan od najznačajnijih kulturnih događaja u regiji, koji za cilj ima približavanje knjige čitateljima i popularizaciju pisane riječi.

Osim organizirane posjete Sajmu, studenti su imali priliku i da u slobodnim individualnim aktivnostima uživaju u ljepotama grada Sarajeva, upotpunivši svoj boravak druženjima i toplom i veselom atmosferom koja ih je pratila tokom ovog dvodnevnog putovanja.

Univerzitet u Novom Pazaru imao izuzetnu čast da ugosti njegovu ekselenciju Ahmeda Almenhalija, ambasadora Ujedinjenih Arapskih Emirata u Republici Srbiji.

Ova zvanična posjeta predstavlja važan korak ka unapređenju međunarodne saradnje u oblasti visokog obrazovanja, nauke i kulture.

Tokom susreta razgovarano je o mogućnostima zajedničkih projekata, razmjeni studenata i nastavnog osoblja, te jačanju akademskih i kulturnih veza.

Ambasador Ahmed Almenhali izrazio je zadovoljstvo posjetom našem univerzitetu i pohvalio otvorenost i potencijal za dalju saradnju.

Zahvaljujemo njegovoj ekselenciji Ahmedu Almenhaliju na posjeti, toplim riječima i spremnosti da zajedno gradimo mostove znanja i prijateljstva.

Studenti u volonterskoj ekološko-humanitarnoj akciji “Čepom do osmeha“

Studenti Univerziteta u Novom Pazaru predvođeni profesoricom Amelom Ahmatović Ljajić učestvovali su u volonterskoj ekološko-humanitarnoj akciji “Čepom do osmeha“, redovno dostavljajući i odlazući plastične čepove.

Organizacija “Čepom do osmeha” ima za cilj da pruži podršku djeci sa smetnjama u razvoju i invaliditetom i njihovim porodicama i da im omogući lakše funkcionisanje u svakodnevnom životu i obrazovanju. Plastične čepove sakupljene na Univerzitetu studenti šalju u reciklažni centar organizacije, a prikupljena novčana sredstva koriste se za kupovinu pomagala djeci.

Ova akcija, osim što ima humanitarni karakter, promoviše ekološko osvješćivanje društva i bavljenje društveno korisnim aktivnostima.

“Zajedno možemo promijeniti svijet” – autorska predstava studenata Univerziteta u Novom Pazaru

U organizaciji Univerziteta u Novom Pazaru, na sceni Kulturnog centra, izvedena je autorska predstava pod nazivom “Zajedno možemo promijeniti svijet”, u režiji studenata prve godine sa Departmana za pedagoške i psihološke nauke, studijskog programa Vaspitač djece predškolskog uzrasta, pod mentorstvom Mine Mavrić, uz učešće i studenata Pravnog departmana.

U slobodnom stihu, kroz umjetnost i pokret, studenti su djeci približili teme solidarnosti, altruizma, empatije i vršnjačkog nasilja – one koje odzvanjaju našom svakodnevicom i traže razumijevanje od najranijih dana.

Predstavu su u velikom broju posjetila djeca predškolske ustanove “Reuda”, učenici osnovne škole “Avdo Međedović”, kao i ostala djeca, studenti i građani koji su imali priliku da dožive ovu snažnu poruku zajedništva i humanosti.

Kroz umjetnički izraz podstičemo djecu da zamišljaju, osjećaju i misle – jer upravo tako gradimo temelje boljeg društva.

Donacija knjiga za uličnu biblioteku u Novom Pazaru

Studentski parlament UNINP danas je donirao blizu 50 naslova uličnoj biblioteci na Trgu Gazi Isa-bega Isakovića u Novom Pazaru.

Od mnoštva zapremljenih starih izdanja iz univerzitetske biblioteke izdvojen je dio knjiga koje će biti dostupne građanima i ostavljen na slobodno korišćenje vjernim čitateljima i korisnicima ulične biblioteke.

Ovim gestom studenti daju svoj doprinos promovisanju kulture čitanja, u nadi da će ona zaživjeti u svim segmentima našeg društvenog života.

Svečano obilježen Dan Univerziteta u Novom Pazaru

Danas smo s ponosom obilježili Dan Univerziteta – 5. maj – prisjećajući se vizije rahmetli muftije Muamera Zukorlića, osnivača ove visokoškolske ustanove kao zadužbine znanja, dijaloga i napretka.

U prisustvu muftije dr. Mevlud ef. Dudića, rektora prof. dr. Suada Bećirovića, prorektora prof. dr. Muazera Saračevića, predstavnika državnih institucija, akademske zajednice i brojnih gostiju, svečano su uručene doktorske diplome.

Poseban trenutak bila je dodjela diploma našim doktorantima – iz oblasti računarskih, ekonomskih, pravnih i pedagoških nauka, koji su svojim radom i istraživanjima doprinijeli razvoju naučne misli.

Uručena je i diploma zvanja za redovnog profesora, kao i nagrade za najbolje naučno-istraživačke radove, čime se dodatno afirmiše naučni duh koji negujemo.

Rektor prof. dr. Suad Bećirović ovom prilikom poručio je: „Pozivam vas da inovirate, a ne imitirate, da budete hrabri u stavovima i da uvijek istražujete imajući u vidu opštu dobrobit društva i moralna načela. Doktori, kao intelektualna elita, vaša je odgovornost da nastavite rad na rješavanju savremenih izazova i da svoja rješenja pretočite u monografije, naučne i stručne radove.”

Univerzitet u Novom Pazaru i dalje ostaje posvećen misiji pružanja kvalitetnog obrazovanja za sve, njegujući multikulturalnost, znanje i odgovornost prema zajednici.

Zahvaljujemo svima koji su danas bili dio ovog značajnog dana.

Održan tradicionalni Festival knjige na trgu Gazi Isa-bega Ishakovića

Festival je okupio profesore, studente, autore i ljubitelje knjige. Tokom tri dana, u duhu znanja i razmjene ideja, obrađene su teme iz književnosti, prava, ekonomije i obrazovanja.

Petak, 16. maj započeo je diskusijom o časopisu Ekonomski izazovi. Govorili su doc. dr. Dženis Bajramović, doc. dr. Irma Mašović Muratović i mr. Haris Zogić. Prof. dr. Branislava Vasić Rakočević istakla je značaj književnosti za djecu. Prof. dr. Enver Gicić govorio je o šerijatskom nasljednom pravu, a dan je završen izlaganjem prof. dr. Muamera Nicevića i doc. dr. Samre Dečković o udžbeniku Krivično pravo – opšti dio sa elementima izvršnog prava.

Subota, 17. maj bila je u znaku obrazovanja i književnosti. Prof. dr. Samir Ljajić govorio je o časopisu Univerzitetska misao. Predstavljen je udžbenik Maloljetničko prestupništvo uz izlaganja prof. dr. Envera Međedovića i prof. dr. Ergina Hakića. Prof. dr. Maida Bećirović Alić predstavila je udžbenike Autorsko pravo i Obligaciono pravo, a prof. dr. Kemal Džemić govorio je o fenomenu intelektualca u južnoslavenskoj književnosti.

Nedjelja, 18. maj donijela je završne sesije. Prof. dr. Ergin Hakić i dr. Dženis Šaćirović predstavili su časopis Pravne teme. Doc. dr. Almedina Numanović govorila je o knjizi Karakteristike ličnosti sportista, naglašavajući važnost mentalne pripreme. Festival je završen predstavljanjem studentskog časopisa Epistema.

Festival knjige 2025. pokazao je snagu zajedništva kroz znanje, dijalog i ljubav prema pisanoj riječi.

Univerzitet u Novom Pazaru svečanom dodjelom diploma obilježio 23 godine postojanja

Univerzitet u Novom Pazaru obilježio je 23 godine uspješnog rada svečanom akademijom koja je okupila predstavnike akademske zajednice, državnih institucija, diplomatskog kora, vjerskih zajednica, studenata i prijatelja ove visokoobrazovne ustanove. Bila je to prilika da se oda priznanje dosadašnjim postignućima i još jednom potvrdi opredijeljenost Univerziteta ka znanju, razvoju i društvenoj odgovornosti.

Prisutnima se, u ime domaćina, obratio rektor prof. dr. Suad Bećirović, naglašavajući da Univerzitet nije samo mjesto sticanja znanja, već i prostor u kojem se razvijaju vrijednosti, odgovornost i društveni angažman. Istakao je da znanje ima puni smisao samo kada se koristi u službi zajednice i zajedničkog dobra.

Prisutnima su se obratili i:

- prof. dr. Dejan Vuk Stanković, ministar prosvjete Republike Srbije,
- gospodin Milorad Veljović, specijalni izaslanik predsjednika Republike Srbije,
- muftija dr. Mevlud ef. Dudić, predsjednik Mešihata Islamske zajednice u Srbiji.

Tokom svečanosti dodijeljene su diplome svršenicima osnovnih i master studija, čime je krunisan njihov akademski uspjeh.

Također, generalni menadžer prof. dr. Enver Međedović je uručio jubilarne nagrade zaposlenima koji su Univerzitetu posvetili više od deset godina rada, a predsjednik savjeta Univerziteta dr. Rešad Plojović je uručio priznanja zlatnim studentima Bačevac Aidi, Ljajić Fatmi, Camić Damiru i Bećirović Muji.

Među prisutnima bili su i ambasadori Ujedinjenih Arapskih Emirata, Pakistana i Palestine, predstavnici ministarstava, lokalne samouprave, kulturnih i obrazovnih institucija, kao i brojni prijatelji i partneri Univerziteta.

Svečana akademija još jednom je potvrdila ulogu Univerziteta u Novom Pazaru kao važnog centra znanja, dijaloga i saradnje, sa jasnom vizijom za budućnost.

Apsolventsko veče studenata Univerziteta u Novom Pazaru

U subotu, 31. maja 2025. godine studenti završne godine svih studijskih programa Univerziteta u Novom Pazaru sastali su se na svečanoj večeri i posljednjem kolektivnom susretu povodom završetka osnovnih akademskih studija i na taj način krunisali svoj četvorogodišnji boravak na Univerzitetu.

Njima predstoji polaganje posljednjih ispita i odbrana diplomskih radova čime zvanično završava prvi ciklus njihovih studija na Univerzitetu u Novom Pazaru.

Čestitamo dragim kolegama i želimo im mnogo sreće u budućoj karijeri!

Posjeta predstavnika Veterinarskog fakulteta iz Sarajeva Univerzitetu u Novom Pazaru

Univerzitet u Novom Pazaru danas je ugostio delegaciju Veterinarskog fakulteta Univerziteta u Sarajevu, koju su činili ugledni profesori prof. dr. Kenan Čaklović, prof. dr. Faruk Tandir i prof. dr. Nedžad Hadžiomerović.

Uvažene goste dočekali su rektor Univerziteta, prof. dr. Suad Bećirović, i šef kabineta rektora i finansijski menadžer, mast. ekon. Haris Zogić.

Tokom sastanka razgovaralo se o jačanju saradnje između dvije institucije, posebno u oblasti promocije veterinarske nauke u Sandžaku. Planirane su zajedničke aktivnosti, gostujuća predavanja i inicijativa za osnivanje instituta za ispitivanje namirnica životinjskog porijekla.

Ova posjeta označava početak konkretne saradnje između dvije akademske institucije, s fokusom na razvoj veterinarske struke, unapređenje bezbjednosti hrane i otvaranje novih obrazovnih i istraživačkih mogućnosti u Sandžaku.

Prijemni ispit na Univerzitetu u Novom Pazaru – Prvi korak ka akademskoj budućnosti

Na Univerzitetu u Novom Pazaru danas je održan prijemni ispit za upis nove generacije studenata na 14 akreditovanih studijskih programa. Veliki broj kandidata iz različitih krajeva pokazao je interesovanje da obrazovanje započne upravo na našem Univerzitetu.

Ispit je protekao u svečanoj i radnoj atmosferi, uz prisustvo nastavnog i administrativnog osoblja koje je brinulo da sve prođe u najboljem redu.

Generalni menadžer Enver Međedović uputio je dobrodošlicu prisutnima i naglasio važnost znanja, posvećenosti i podrške koju će studenti imati tokom studija.

Preliminarna rang-lista biće objavljena u ponedjeljak na zvaničnom sajtu i oglasnim tablama Univerziteta.

Predstavnici Konrad Adenauer fondacije posjetili Univerzitet u Novom Pazaru.

U okviru jačanja međunarodne saradnje, Univerzitet u Novom Pazaru ugostio je predstavnike Konrad Adenauer fondacije, gospodina Jakova Devčića i gospođu Gordanu Pilipović, koji su Univerzitet posjetili u svojstvu izaslanika Evropske narodne partije (EPP). Posjeti su prisustvovali i narodni poslanik, Edin Numanović, te izaslanik ministra za pomirenje, regionalnu saradnju i društvenu stabilnost, Semir Madžgalj.

Uvažene goste dočekali su rektor Univerziteta, prof. dr. Suad Bećirović, šef kabineta rektora i finansijski menadžer mast. ekon. Haris Zogić, te koordinator za međunarodnu saradnju, prof. dr. Ergin Hakić.

Tokom susreta razgovaralo se o mogućnostima saradnje između Univerziteta u Novom Pazaru i Konrad Adenauer fondacije. Rektor je goste upoznao sa historijom, razvojem i misijom Univerziteta, trenutnim izazovima s kojima se institucija suočava, kao i sa planovima za budući razvoj, posebno u kontekstu internacionalizacije i razvojnih projekata.

Gosti su obišli prostorije Univerziteta, upoznali se s radom pojedinih odsjeka i izrazili zadovoljstvo onim što su vidjeli, naglašavajući značaj povezivanja obrazovnih institucija s evropskim partnerima i fondacijama koje podržavaju obrazovanje i razvoj zajednica.

Posjeta je završena uz obostranu nadu da će u narednom periodu biti realizovani konkretni oblici saradnje.

Delegacija Univerziteta u Novom Pazaru na obilježavanju godišnjice Univerziteta FINRA u Tuzli

Na poziv Univerziteta FINRA iz Tuzle (Bosna i Hercegovina), delegacija Univerziteta u Novom Pazaru boravila je 25. jula 2025. godine u zvaničnoj posjeti ovom partnerskom univerzitetu, povodom obilježavanja devete godišnjice njegovog osnivanja.

Delegaciju su činili prof. dr Samir Ljajić, koordinator za nauku, i prof. dr Ergin Hakić, koordinator za međunarodnu saradnju. Domaćini, predvođeni rektorom prof. dr Ismetom Kalićem, upriličili su srdačan doček u duhu akademskog prijateljstva i uzajamnog uvažavanja. Tokom svečanog programa, prisutnima se u ime Univerziteta u Novom Pazaru obratio prof. dr Ergin Hakić, naglasivši važnost regionalne saradnje, razmjene znanja i zajedničkih aktivnosti u oblasti nauke i visokog obrazovanja. Kao znak zahvalnosti za posjetu i doprinos razvoju međuuniverzitetskih odnosa, predstavnicima delegacije uručene su zahvalnice i plakete. U okviru susreta, razgovaralo se i o pravcima buduće saradnje između dvije institucije. Prof. dr Samir Ljajić posebno je izdvojio značaj razmjene nastavnog i istraživačkog kadra, zajedničkog učešća u međunarodnim projektima, organizacije akademskih događaja, kao i podrške u domenu studentske mobilnosti. Univerzitet u Novom Pazaru nastavlja s jačanjem veza sa relevantnim obrazovnim institucijama u regionu, vjerujući da su partnerstvo, otvoren dijalog i razmjena iskustava ključni za razvoj savremenog, kvalitetnog i održivog visokog obrazovanja.

Stipendije Fondacije Konrad Adenauer za akademsku 2025/2026. godinu

Obavještavamo studente da je Fondacija Konrad Adenauer raspisala konkurs za dodjelu stipendija za akademsku 2025/2026. godinu.

Konkurs je namijenjen studentima osnovnih, master i doktorskih studija koji, osim odličnog uspjeha, pokazuju izraženu društvenu angažovanost, interesovanje za politička i društvena pitanja, te dijele vrijednosti koje promoviše Fondacija.

Stipendija podrazumijeva finansijsku podršku, kao i mogućnost učešća u edukativnim seminarima, radionicama i drugim aktivnostima u okviru mreže stipendista.

Studentska edukativna ekskurzija u Istanbulu

U danima od 19. do 25. juna studenti Univerziteta u Novom Pazaru boravili su u Istanbulu na edukativnoj ekskurziji koju je Univerzitet u Novom Pazaru organizirao u saradnji sa Studentskim parlamentom.

U okviru inicijative Balkan-Türk gençlik diyalogu projesi pod pokroviteljstvom organizacije Besader, studenti Univerziteta u Novom Pazaru, u pratnji generalnog menadžera prof. dr. Envera Međedovića, imali su priliku da se upoznaju s historijskim i kulturnim znamenitostima Istanbula. Petodnevni boravak u nekadašnjoj prijestolnici triju velikih carstava smještenoj na Bosforu obilježen je lijepim dočekom, gostoprimstvom i uzbudljivim programom, a studenti su posjetili mnoga znamenita mjesta u Istanbulu koja izazivaju divljenje kod posjetilaca širom svijeta.

Dolmabahçe i palata Beylerbeyi, džamija Sulejmanija, Topkapi i muzej oko Aja Sofije, džamija Čamlidža u azijskom dijelu Istanbula, ali i nezaboravno krstarenje Bosforom, samo su neke od atrakcija s kojima su studenti imali priliku da se upoznaju i zahvaljujući kojima se sa ovog putovanja vraćaju s mnogim lijepim utiscima i uspomnama koje će dugo pamtit.

Univerzitet u Novom Pazaru na međunarodnoj akademiji islamskih finansija – Durham Islamic Finance Summer School 2025 u Velikoj Britaniji

Rektor Univerziteta u Novom Pazaru, prof. dr. Suad Bećirović, i finansijski menadžer Univerziteta, mast. ekon. Haris Zogić, učestvovali su na prestižnoj Međunarodnoj akademiji islamskih finansija – Durham Islamic Finance Summer School (DIFSS) 2025, održanoj od 28. jula do 1. avgusta na Univerzitetu Durham u Velikoj Britaniji.

Ova renomirana akademija, koju vodi svjetski priznati stručnjak prof. dr. Mehmet Asutay, okupila je 75 delegata iz 24 zemlje, među kojima su bili bankari, finansijski stručnjaci, pravnici, regulatori, kreatori javnih politika, političari i istraživači. Tokom pet dana, učesnici su pohađali 23 intenzivne sesije i radionice koje su obuhvatale kako osnovne teme, tako i savremene prakse u islamskom bankarstvu, finansijama i tržištima kapitala, te održivom razvoju. Posebna pažnja bila je posvećena razvoju finansijskih proizvoda, sukuku, islamskom mikrofinansiranju, kao i inovacijama iz oblasti vještačke inteligencije i fintech tehnologija. Program su izvodili vrhunski svjetski stručnjaci i praktičari iz oblasti islamskih finansija, čije su stručne i akademske kompetencije doprinijele značajnom razvoju ove discipline na globalnom nivou.

Učešće predstavnika Univerziteta u Novom Pazaru na ovom događaju iskorišćeno je i za uspostavljanje kontakata i promociju predstojeće Konferencije o islamskoj moralnoj ekonomiji i finansijama, koju Univerzitet organizuje 2. oktobra 2025. godine. Ovaj važan akademski skup okupiće domaće i međunarodne stručnjake sa ciljem razmjene znanja i iskustava te razvoja inovativnih pristupa u islamskim finansijama.

Prisustvo na DIFSS 2025 predstavlja značajan korak ka jačanju međunarodne saradnje i akademskih kapaciteta Univerziteta u oblasti islamskih finansija, otvarajući nove mogućnosti za implementaciju savremenih i održivih finansijskih modela u našoj državi i regionu.

Održan prijemni ispit za septembarski upisni rok na Univerzitetu u Novom Pazaru za akademsku 2025/2026. godinu

Budući studenti su u drugom roku imali priliku da konkurišu za upis na osnovne akademske studije na četrnaest akreditovanih studijskih programa. Ispit je protekao u svečanoj i radnoj atmosferi, uz prisustvo nastavnog i administrativnog osoblja koje je brinulo da sve prođe u najboljem redu.

Generalni menadžer Univerziteta, prof. dr. Enver Međedović, istakao je da je interesovanje kandidata u oba upisna roka ove godine bilo značajno. Preliminarna rang-lista biće objavljena u ponedjeljak na oglasnoj tabli Univerziteta i na zvaničnoj internet stranici Univerziteta, dok će upis primljenih kandidata biti organizovan u narednim danima.

Upis primljenih kandidata vršiće se od 15. do 20. septembra 2025. godine, u periodu od 8 do 15 sati.